

Ta Uwo Bolofei Makha Nalaj

Tawale Ta

O Mak e hu tabe Jon Mak. Makbe o olou fei 12 kege kedia o ta meiyе, kenou si Pitabou Polbou dogou gudi o. Makha kuguo kou nalama, Rom o kediamokou nei.

Makha yomogou nalajbe, kou gue nalaj, koume ta uwo bolofeido, Godiha Dihi Yesu Kelesuha degei kaha ta. Haba nalajbe, Yesu eme o Jonha fafeleya degei. Fafeleya degeimou, Tamaha e tefele dugu ke nalaj. Ta kuguo kuokou di dugulube, Yesuha Godiha huya ke dabai gehe gehe degeimou dugulo ili. Damaledo, Yesuha e nelebe hiyedo, Godiha huya ke o sasai kediamokou hehegiedi. Duo kasagai igisedi. Haba do o sasai bologuoumou bolou degeimou be, midihou kasagai degele idi kaha hebe kene igile mugudi. Yousie tobou dibe, ame O Kedia Dihiyodedi. E o sasai sudo ke mamou lamou kuhe tolo i.

Kuguo Mak koumahq ta sibige tanou tanou olou feibe kuhe:

Ta Hiye 1:1-3:6

Yesuha o sasai kediamokou be Godiha dia wolou dalale kaha ta ke tobou lamou haguei.

Ta Hiye 3:7-6:6

Yesuha e nele ke kou hehegieiye, kenou si
mosoma o kedia damaleyodele ili mei.

Ta Hiye 6:6-8:21

Yesuha e nele ke kou hehegieiye, kenou si e
dabai degedi o kedia defei ta tawale ili mei.

Ta Hiye 8:22-10:52

Yesuha e dabai degedi o kedia mokou hehegie
tobou di.

Ta Hiye 11-16

Yesu e do hiyedo duguomou, tolo ilemou
hagua gehe degei.

Yesuha o sasai kedia mokou be Godiha dia wolou dalale kaha ta ke tobou lamou haguei

(Ta Hiye 1:1-3:6)

Fafeleya degedi o Jonha egei tobou

(Matyu 3:1-12; Luk 3:1-9, 15-17; Jon 1:19-28)

¹ Koume ta uwo bolofeido, Godiha Dihi Yesu
Kelesuha degei kaha ta.

Ta keme kou gue yomogolou,

² o ta, habage-degele-duguo-tobou di-o Aisa-
iaha Godiha ta ke nalaiibe,

Na du. A ma ta tobou di o ta tobou ba ebukou ile
dalali, ne a milolou yodei ke. * *Malakai 3:1*

³ Haba kou gue nalai,

* **1:2 1:2** Afu Godiha e Dihikou kege degeleyodema makai.

Hebe mei mihinōu sa kelege Hiye Ohā ē a milōu ma doususugumabeede haguīsa tobōu ba dulo ile. *Aisaia 40:3*

⁴ Kegemōu, o fafeleya degedi o Jon ē ile, hebe mei mihinōu sa kokōu kuhe felei. Folomōu, o sasaj kediaṃokōu egei hehegedibe, nī fī bohōlōu ba fafeleya tofōu ma. Kegeibasi, Godihā midihō kasagai, nī milōu ga idi kē gebe meiyodeleyode tobōu di.

⁵ E kege tobolōu tafalamōu, sa Judia o sasajibōu sa Jerusalem o sasajibōu olōu fei kedia ya fologamōu, ē egei tobōu mōu dulomōu, die midihō kasagai milōu ga idi kē kusigile tobolōu imamōu, ē o sasaj kedia tō Jordankōu fafeleya degei.

⁶ Jon ē yukuei kaḍibe, wai kamel towe dai kē fiyatiye tufoguo kaḍi. Nale ē naḍibe kabubōu, kule hueibōu denōu fei naḍi.

⁷ E egei kōu gue tobōu di, o ta mā habage haguale kaha ē nelebe hiyedo, mā nele sagaj mei. E hube folodo dala kaha degemōu, ē hagubabe, ē abogōu mosō kaj keme a bale mulōba ta tegile sagaj mei.

⁸ Age nīme talekōu nōu fafeleya degedi, ha enōu si Duo Bolofeiha neleya kē nī fafeleya degeleyode tobōu di.

Jonhā Yesu fafeleya degei
(*Matyu 3:13-17; Luk 3:21-22*)

⁹ Kelege Yesu ē sa Nasaret sa Galili duo kē tōu fogōu ile foloumōu, eme Jonhā tō Jordankōu fafeleya degei.

¹⁰ Fafeleya degema, bidiletou foloumou, hebeni a soougou mou dugu, Duo Bolofeiha sio isusu бага emokou fulou migimou dugu.

¹¹ Haba, hebenitou ge ta uwo ta kou gue haguisa tobou mou du, name ma Dihi. Age name tagalido, namokou hoho hiyedo degeli.

*Tamaha Yesu tefele dugu
(Matyu 4:1-11; Luk 4:1-13)*

¹² Ha kelegenou Duo Bolofeiha Yesu tobou mou iligi, hebe mei mihinou sa kokou felei.

¹³ Hebe mei mihinou sa kokou deleibe, sawisiei olou fei 40 kege delei. Kelege, Tamaha Yesu e tefele duguga i. Gali kedia ebou de dalamou, esol o kediae e dogou guo delei.

*Yesuha sa Galilikou ge dabai yomogou degei
(Matyu 4:12-17; Luk 4:14-15)*

¹⁴ Oe Jon didio degeimou, Yesu e ile, sa Galilikou folomou, Godiha ta uwo bolofei ke o kediamokou tobou mou siadi.

¹⁵ Sulugi kou gue tobou, sawisiei Godiha makamai keme ifi hafei degeli, Godiha ni wolou dalalebe. Hafei degeiba, ni fi boholou ba, ta uwo bolofei kenou damaleyodemabeede tobou di.

*Yesuha o dosou dia kege haguismou, dia e sesele yai
(Matyu 4:18-22; Luk 5:1-11)*

¹⁶ Yesu e ohueiyai Galili koya ke sulugi dugube, Saimonbou e mala Andrubou de dugu. O bolou

dilie ohueiyai kokoū neke moū soumoū dugu. Diliebe miye moṽudi o.

17 Yesuhā diliemokoū nele ā sesele haguamabeede tobou. Ā nelemokoū o sasai moṽudi ke hehegielamoū, obe miye moṽudi ke sā degeiyode tobou.

18 Dilie ke dulomoū, totonoū neke oloū fei kokoū magama fogoū moū, ē sesele yai.

19 Kegemoū, Yesuhā tafei ilemoū dugube, Sebedihā dihi Jemsboū ē malā Jonboū de dugu. Mosole tagetoū duwoguali, neke doūsusulo imoū dugu.

20 Yesuhā dilie duguomoū, totonoū haguisa toboū moū, dilie dilie ayeboū dabai o kediaboū de mosole fodu duwoguamoū toū fogoū fogoū, Yesu sesele yai.

*Yesuhā duo kasagai ta igile mugu
(Luk 4:31-37)*

21 Yesuboū diā ya, sa Kaperneamkoū fologai. Fologamoū dalali, misiholo duwodi sawisie kelege Yesuhā ile, egei mosokoū folomoū, o sasai kediamokoū egei toboū moū,

22 diā tā ke dulomoū kesigile i. Yobe, ē hehegilibe, Moseshā kuoloū yo du o kediā hehegiedi sagai kegei mei. Ē tewebe esofei, hiyedo folodo.

23 Kenoū si egei mosō kodu o ta duwei, duo kasagaiye tou. O kahā guamoū koū gue tobou,

24 sa Nasaret o Yesu, na hagua eimokou kei degelamou degeiya? Nage ei makolamou hagulu? Age name kou tewe. Name o bolodo, Godiha tobou mou hagueiyode tobou.

25 Kenou si Yesuha gofouudo dege, duo kasagai kokou be, na tada. Na o kouu tou fogou fogou iyede tobou.

26 Duo kasagai kaha ta gofou ke dulomou, o ke tolou figima, hiligedo tobou ma tou fogou fogou i.

27 Tou fogou imou, o sasai olou fei kesigiemou, dioounou kou gue tugulo tobolou i, koume kei? O kouumaha ta gehe kouu tobolou be, sibige hiyedo, nelebou de ta tobolou. Duo kasagai kediane e ta dulo iyede tobolou i.

28 Kege tobolou imou, Yesuha ke degei ta uwo kahage sa Galili kileya ke olou fei totonou tefei.

Yesu e Pitaha e sasaiha e adiou ke do boloumou bolodegei

(Matyu 8:14-15; Luk 4:38-39)

29 Yesubou dia egei moso tou fogou mou, Jembou Jonbou de sesele yai. Toto ya, Saimonbou Andrubou dilie mosokou fologai.

30 Fologamou, Saimonha e sasaiha e adiou be suguai tilamou duguomou, Yesukou sasai koume doyode tobolou i.

31 Kege tobou mou, Yesuha ile hafei degemou, sasai kaha dobogouu tolou haguagimou, suguai

mei degei. Suguai ke mei degeimou, hagua, nale milou ma, o kediamokou nei.

Yesuha do o sasai sudo bologuomou bolo degele i

(Matyu 8:16-17; Luk 4:40-41)

³² Sawisiei kaha habi, aso mumou, o kedia do o sasai olou fei mouma, Yesukou haguasiei. Duo kasagaiye tolou i o sasaine mouma haguasiei.

³³ Sa ke tie o sasai olou fei haguasie, moso adi hafei dege kefegulo i.

³⁴ Kefegulo imou, Yesuha do daga daga o sasai sudo bologuomou bolo degele i. Haba duo kasagaiye tolou i one duo kasagai igiseimou bolo degele i. Duo kasagai kedia eme kou tewe kaha degemou, e dia tadamabeedei.

Yesuha sa Galiliya ke siei

(Luk 4:42-44)

³⁵ Gusugudo huliamekou Yesu e haguama ile, sa o mei kokou folomou duwoli diho baga tobou.

³⁶ Fogou imou, Saimonha e yogo diabou de Yesu ka yai.

³⁷ Yolugi duguomou, emokou tobolou i, o sasai kedia na ka iliyode tobou.

³⁸ Yesuha tobou, gebe mei, di ile, sa sa hafei dala keleya ke siamebeede tobou. A o sasai kediamokou ne egei tobou lamou. Yobe, ame dabai ke degelamou hagueiyode tobou.

³⁹ E kege tobou ma ile, sa Galiliya ke olou fei siei. E die egei mosoya egei tobou mou sulugi,

o sasaj̄ duo kasagaiye toloū ine duo kasagaī igisemoū siei.

Yesuhā dobo doye tou o ta bologuoumoū boloū degei

(Matyu 8:1-4; Luk 5:12-16)

⁴⁰ O ta, dobo doye tou o kahā Yesukoū ile folomoū, yubu sugulo fiyamoū duwoli, neleḁo dege koū gue tobou, nā tagaibabe, nā a bologuouba boloū degeleyodei.

⁴¹ Yesuhā o kahā tā ke dulomoū, soloū do hiyedo degemoū, ē dobogoṽu susuguo kuguomoū, age name boloū degele ke tagaliyode tobou.

⁴² Kege toboū moū, kelegenoū dobo doye tou o ke boloū degei.

⁴³ Boloū degeimoū, Yesuhā nā iyede tobou. Ilamoū degeimoū, ē neleḁo dege koū gue tobou,

⁴⁴ ā nā bologuaj̄ ke o takoū hoboū tobou da. Haba nā Godihā mosokoū ile, nē toū boloū degei ke mogoū du daladi o* kokoū hegiba, ege Moseshā tobou kenoū seseleba, gali* sile Godikoū nele, nā boloū degei kahā degeimoū. Kegeiba, o sasaj̄ kediā nē do mei degei ke tawale ileyode tobou.

⁴⁵ Kenoū si o kahāge tā keme duli mei, ē ile o sasaj̄ kediāmokoū toboū moū siei. Kegemoū,

* **1:44 1:44a** *Mogoū du daladi o keme ('pris') Godihā moṣo kodu dabai degedi. Dabai degeimoū be, Godibe tagetoū dalamoū, ha o sasaj̄ kediā hayedu dalamoū, yoṽuge mogoū du daladi.* * **1:44**

1:44b Wok Pris 14:4

Yesu e o sasaj dihile, sa sa hafej kele ta siale sagaj mei,* e ile figikou nou delei. Dalali dugube, sa sa o sasaj kedia emokou nou haguasieimou dugu.

2

*Yesuha o ta ibigidiobou dobogojudiobou tofigiei ke bologuomou bolodegei
(Matyu 9:1-8; Luk 5:17-26)*

¹ Sawisiei ilo kele mei degeimou, Yesu e boholou ma ile, sa Kaperneamkou foloumou, o sasaj kedia eme mosokou duwoyodeimou dulo i.

² Dulomou, haguasieimou, moso kokou nou kefeligi, moso keme fegegu. Moso duwo kokou bou adiyabou olou fei fegegu. Fegegumou, Yesuha o sasaj kedia mokou egei tobou.

³ Kegeimou, o ilo kedia do o ta mala haguasiei. O keme ibigidiobou dobogojudiobou olou fei tofigiei. O bolou bolou kege kedia do o ke mala hebele haguasiei.

⁴ Haguasieimou dugu, moso fegegu degeimou, do o ke Yesukou mala fologale sagaj mei degemou, dia moso tagetou mala fologa, moso igiguo, do o ke botegei tagetou tilamou, tigikou gogomoguema, amafei tou fofou guesa mulu, Yesuha tafala kele hafeido dege dogogulo i.

⁵ Yesuha die damaleyodei ke duguomou, e do o kokou kou gue tobou, mogo dihi, age midihou kasagaj na milou gadi ke gebe meiyodili.

* **1:45 1:45** Yobe, o sasaj sudo kefegu kaha degemou.

6 Kenōu si Mosesha kuolou yo du o ilo kedia moso kokou duwoguali kou gue fima i,

7 o kōumahage eme Godiha timou ke mou ladiyodilibe kageimou tobou ya? O taege midihō kasagai, obe milou gadi keme ta gebe meiyodele sagai mei. Keme Godihanou si degeleyode tawale i.

8 O kedia kege fima imou, kelegenou Yesuha die fimai ke tawalemou yodu, ni kageimou kege fima iya?

9 Age do o kuokou kage tobolou? Midihō kasagai, do o kaha milou gadi ke gebe meiyodili kaha, nige ame ogou ga tobou di oyodele ili. Haba, age do o kuokou, na haguama, ne botegei ke mala hebele iyedilibe, nige kageimou a ogou ga tobolou yode tawale iya?

10 O Kedia Dihi eme sa sibige kuokou be hu hiyedo dala. Ege midihō kasagai obe milou gadi ke gebe meiyodele sagaiyode tobou. Yesu e yousie kege tobou, o kedia ta e tobolou keme sibigebou dade tawamabadomou . Kege tobou mamou, e do o kokou kou gue tobou,

11 a namokou tobolou kuhe, na hagua, ne botegei ke mala, ne mosokou iyedei.

12 Kege tobou mou, o kaha hagua, o kedia dihile kokou e botegei ke toto mala hebele imou, o sajai olou fei kedia ke duguo kesigiemou, Godiha hu hebele foguomou, afu ei midihō kou guei ta duguli meiyode tobolou i.

*Yesuha o Livai hagnosisai
(Matyu 9:9-13; Luk 5:27-32)*

¹³ Kegemōu, Yesu e ohueiyai Galili biyaya ke haba iligi, o sasai sūdo emokōu haguasieimōu duguomōu, o kediamokōu Godiha ta hehegiei.

¹⁴ Iligi dugube, gamani sibidi sele kefedi moso kokōu Alfiusha dihi Livai kokōu duwomōu duguomōu, na haguaba, da imebeede tobomōu, e hagua Yesu sesele i.

¹⁵ Kegemōu, Yesuha ile Livaiha mosokōu folomōu, nale nala duwomōu, ogou ga tobou ma gamani sibidi sele kefedi obou, midihō kasagai milou di obou sūdo kedia Yesubou e dabai degedi obou de duwoguali nale nala i, o kegele ine sūdo ebou de suluguadi kaha degemou .

¹⁶ Kuolou yo dulo i o ilo kediamē Farisi o. O kediamē Yesu e o midihō kasagai milolou idi obou, gamani sibidi sele kefele idi obou de duwoli nale noumōu duguomōu, e dabai degedi o kediamokōu kou gue yodulo i, kageimōu e gamani sibidi sele kefele idi obou, midihō kasagai milolou idi obou de duwoli nale nouya?

¹⁷ Yesu e ta ke dulomōu, e kou gue tobou, o do meiyege mola mosokōu be idiyo mei. Do oyenou si mola mosokōu yadi. A hagueibe, doudo o kediamou hagnosisalamou hagueli mei. A hagueibe, o sasai midihō kasagai milolou idi kedia hagnosisalamou kuhe haguei.

*Yesuha nale kuolou dogogudi kaha ta ke tobou
(Matyu 9:14-17; Luk 5:33-39)*

¹⁸ Sawisiei ta, Jonha e dabai degele idi obou, Farisi obou kedia nale kuolou dogogulo i. Kuolou dogogumou, o ilo kelege Yesukou ya, kou gue yodulo i, Jonha dabai degele idi obou, Farisi o kedia dabai degele idi obou kedia nale kuolou dogogulo i. Kageimou ne dabai degedi o kediage nale nadi kokou kuolou ta dogoguyo mei?

¹⁹ Yesuha sima kou gue tobou, o taha sobou hulaba, nale hiyedo kefeguoba, e mogo dia diguba, haguasie felegababe, nale ta kuolou dogogulo sagai mei. Yobe, sobou hulo o keme diabou de dala kaha degemou.

²⁰ Kenou si o ilo kele die mogo mala fogou iba kelege, nale kuhe kuolou dogogulo ileyode tobou.

²¹ Kegemou, Yesuha haba tobou, o tae yukuei ebele dou lai ke yukuei afukou kokou dogoguo gofou diyo mei. Kege degeiba, yukuei ke bigibabe, yukuei kai gehe dogoguo gofou keme huyafei degeiba, yukuei kou keme dolodo dou laleyode tobou.

²² Tigi kolo huei gofou, ebele milou kene wai meme kolo, oe afu kou milou kodu sou gudiyo mei. Kege degeibabe, tigi kolo huei gofou kaha wai meme kolo ke dou lama ile. Kegeiba, tigi kolo huei gofou kebou, wai meme kolobou olou fei makolo hobogolou. Tigi kolo huei gofou ebele keme wai meme kolo

ebele kodunou sou gubasi boloyode tobou.

Yesuha misiholo duwodi sawisieie kelege dabai degele kuolou dogogu kaha ta (Matyu 12:1-8; Luk 6:1-5)

²³ Misiholo duwodi sawisieie ta kelege, Yesubou dia hebe hai sa duoya ke yai. E dabai degedi o kedia nale fi ke gama nalamou yai.

²⁴ Farisi o kedia ke duguomou, Yesukou kou gue yodulo i, na dugu, o kediame misiholo duwodi sawisieie kaha kuolou keme kageimou gobolou iya?

²⁵ Kegeimou, Yesuha die ta sima tobou, Devitha degei kaha ta kuguokou nalai dala keme nige husouma tawale ili mei sa degei.* Devitbou e mogo diabou kedia hagi hiyedo, nale nali mei, hegie degele i ke a nimokou tobou lamou.

²⁶ Afudo, o Abiatarbe mogou du daladi hiye o delei kelegebe, Devit e Godiha falai mosokou folomou, ou si Godiha dihile kokou dogogu daladi ke nai. Ou si keme kuolou, mogou du dalaguadi o kedianou nala idiye, kenou si Devit e nolugi, e mogo diamokou ne neiyode tobou.

²⁷ Kegemou, Yesuha o kediamekou haba tobou, misiholo duwodi sawisieie ke degeli mei kelegebe, Godiha o milou. Milou mamou ise, misiholo duwodi sawisieie ke makamai, o sasai di dogou gulamou.

* 2:25 2:25 1 Samuel 21:6

28 Kegemōu, O Kediā Dihi ɛme misiholo duwodi sawisieɪ keɛne dia daladi oyode tobou.

3

*Misiholo duwodi sawisieɪ kelege, Yesuha o dobogoꞑu kasagai ta bologuꞑi
(Matyu 12:9-14; Luk 6:6-11)*

¹ Kegemōu, Yesuha egei mosokōu haba felei. Folomōu dugube, o ta ɛ dobogoꞑu tei keme duwomōu dugu.

² O ilo kediā Yesuha degeladi ke defeido baha duweguei. Yobe, Yesu ɛ misiholo duwodi sawisieɪ kelege do o keme bologuꞑuba bolɔ degeibabe, o kediage ɛ ta saleyodema fima i.

³ Kegemōu, Yesuha o dobogoꞑu tei kokōu, na haguaba, o dihiɛ kuokōu tafalayedede tobou.

⁴ Do o kokōu kege tobōu mamōu, o duwogua kediāmokōu kōu gue yodu, di misiholo duwodi sawisieɪ kelegebe, di midihɔ kasagai de milolōu? Ha midihɔ bolonōu milolōu? Di o de wouba tofigile? Haba o de bologuꞑuba bolɔ degelenōu? Mosesha kuolōu taɛge kage tobolōu? Kenōu si o kediā ta ta tobōu li mei.

⁵ Yesuha o kediāmokōu kege tobōu ma maseligi dugube, die fiɛe hiligile imōu duguomōu, ɛne gofoꞑubōu hagibōu degemōu, dobogoꞑu tei o kokōu tobou, ne dobogoꞑu doɥsusuguyedeimōu, o kaha ɛ dobogoꞑu doɥsusugumōu, kuhe bolɔ degei.

⁶ O ke bolo degeimou, Farisi o kedia moso ke tou fogou, mihikou muguai. Muguamou, Herotha dabai degedi o kediabou de toto ke-feguomou, Yesube kage wolo domou tugulo to-bolou i.

**Yesuha e nele ke kou hehegieiye,
kenou si mosoma o kedia
damaleyodele ili mei**

(Ta Hiye 3:7-6:6)

*O sudo ya, ohueiyai hafei dege kefegulo i
(Luk 6:17-19)*

⁷ Yesuha e dabai degedi o kediabou de sa ke tou fogou, ohueiyai Galilikou fogou youmou, sa Galili tie o sasai sudo e imou sesele yai.

⁸ Sa sa o sasai sudo Yesuha degedi kaha ta uwo ke dulomou, Diane dugulamou yai. Damaledo, sa Judiabou, sa Jerusalembou, sa Idumeabou, to Jordan ilobou, sa Tair hafei sabou, sa Saidon hafei tie obou olou fei Yesu dugulamou ya fologa kefegulo i.

⁹ O sasai sudo fologoumou, Yesuha e dabai degedi o kedia mokou tobou, o sudo kefegulugi, a talekou ka muguye, ni mosole ta mala hagua, hafei kou le dogoguma. O sasai sudo hagubabe, a mosole kokou foloyode tobou.

¹⁰ Ta kaha yobe kou gue, afu Yesuha do o sasai sudo bologuadi kaha degemou, do o sasai ilo kelene emokou haguasiei. Dia fufumou

haguasie, hafei dege tafalaguali, die dobogoꝑuꝑe e kugulamou degele i.

¹¹ Duo kasagaiye tolou i o kediane e duguomou, yubu sugulo fiamou, ta digio degema, name Godiha Dihiyode tobolou idi.

¹² Kenou si Yesuha o kediakou nele do dege tobou, nige ame o keyode tobou dama.

*Yesuha ta-bolofei-mala-suluguadi-o olou fei 12 kege makai
(Matyu 10:1-4; Luk 6:12-16)*

¹³ Yesuha bitoukou folomou, ebou de dalaguale o kedia maka degelamou haguismou, dia emokou haguasiei.

¹⁴ Haguasieimou, e o olou fei 12 kege, nime ma ta-bolofei-mala-suluguadi-oyodema maka degei, ebou de dalaguali, egei tobolou sulugum-abadomou.

¹⁵ O kediakou duo kasagine igisemabadomou nele nei.

¹⁶ O olou fei 12 kege makamaibe kuhe, o ta e hube Saimon. Yesuha e hu gehe tibe Pita.

¹⁷ Haba tabe Sebediha dihi Jemsbou, e mala Jonbou de makai. E dilie hu ta tibe Boanerges. Hu kaha sibigebe dibie бага tadi o.

¹⁸ Haba Andrubou Filipbou Bartolomyubou Matyubou, Tomasbou, Alfiusha dihi Jemsbou, Tadiusbou de maka degei. Haba Saimon ta, e hu tabe Selot, makai.

19 Haba tabe Judas Iskariot. O keme Yesu ho o kediamokou sesegulo o.

Diã Yesube Belsebulou de dabi degediyode tobolou i*

(Matyu 12:24-32; Luk 11:14-23, 12:10)

20 Yesu e mosokou foloumou, o sasai sudo haba haguasie kefegu. Kefegumou, ebou e dabi degedi obou dia nale nale sagai mei.

21 Yesuha degeli ke tobolou imou dulomou, e sosou dia e dogou gulamou haguasiei. Eme fi totou degei de fima i.

22 Kegemou, Mosesha kuolou yo du o ilo kedia sa Jerusalem tou fogou haguasie tobolou i, o koume Belsebulye tou o. Duo kasagai kedia hiye oha neleyenou o koumahã duo kasagai igisediyode tobolou i.

23 Kege tobolou imou, Yesuha o kedia haguismou, haguasieimou, ta makai ta kou gue tobou, Tamahãge haba Tama yoúsiebe ta igile filale sagai meiyode tobou.

24 Sa ta obiyei kedia dioúsie fileba biyoubabe, sa kele obiyei keme bologua dalale mei.

25 O sosou tanou yene dioúsie fileba biyoubabe, sosou keme ta bologua dalale mei.

26 Tamahã yoúsie biyoubane, e sosou fiba, e bologua ta dalale mei, olou fei mei degeleyode tobou.

* 3:19 3:20 *Belsebul e hu tabe Tama.*

27 Kegemōu, Yesuhā haba tobou, o taḥa neḷedo o taḥa mosokōu foloba, bi hiyou ta moloŋu sagai mei. Neḷedo o keḥ tigama dogoguobasi, bimai e mosodu dalagua ke moloŋu.

28 Haba tobou, age nimokōu damaleḷedo tobolōu kuhe. Godihage obe midihō kasagai milōu gadi keḅou, ta kasagai tobou di keḅou de olōu fei kōu gebe meiyodelenōu.

29 Kenōu si o taḥa ta Duo Bolofei huyafei degeibabe, Godihage midihō keme ta gebe meiyodele meido. Ifibōu sabitabōu yoŋu kegenōu dalaleyode tobou.

30 O kediage Yesu eme duo kasagai dalayodei kaḥa degemōu kuhe kege tobou.

*Koyobe Yesuhā e adioū bōu e malaḥ diābōu?
(Matyu 12:46-50; Luk 8:19-21)*

31 Kegeimōu, Yesuhā e adioū bōu e malaḥ diābōu emokōu haguasiei, mihikōu tafalaguali, o takōu tobou, Yesu tobou ba eimokōu migiyede tobou.

32 Mosodube, o sasai sūdo Yesu silemaḥ duwoguali, emokōu tobou, ne adioū bōu ne malaḥ diābōu na ka haguasiei, mihikōu tafalaguayode tobolōu i.

33 Kegemōu e sima tobou, koyobe maḥ adioū bōu maḥ malaḥ diābōu?

34 O sasai yoŋu e silemaḥ biyei kediamokōu maselemōu tobou, duguma, o sasai koŋudiāsi maḥ adioū bōu, maḥ malaḅou be kuhe.

35 O sasai Godiha tagaliya ke sulugua kedianou si ma malabou, ma bobasibou, ma adiou bou diame kehe.

4

Ta makaibe nale hou hebe haimikou hebesei kokou ma tobou

(Matyu 13:1-9; Luk 8:4-8)

1 Ohueiyai kokou ge Yesuha o sasai kediamokou haba hehegiei. Hehegieimou, o sasai sudo haguasie kefegumou, e mosole ta tilamou kokou folo duwomou, mosole aikou huyadefei tegumou, o sasai olou fei to biyakou tefeleguei.

2 Tafalaguamou, e kelege ta makai sudo tobou mou i.

E tabe kou gue tobou,

3 ni duma. O taha e hebe haimikou nale hou hebeselamou i.

4 Nale hou hebeseibe, ilo kelebe alikou fiyasieimou, sio kedia haguasie mouma nala i.

5 Nale hou ilo kelebe mihi igibou kokou fiyasiegi. Mihi hiye mei kaha degemou, nale hou toto kou fua feleiye,

6 kenou si aso hohogumou, difi hiyedo degeimou, nale hou olou fei tofigiei, tefebou mei kaha degemou.

7 Nale ho ilo kelebe aye ti yo kodu fiyasiegi. Nale hou foloumou, aye ti kahane folomou, nale hou ke gogu. Segei sibige ta mali mei.

8 Nalẹ hou ilo kelebe mihi bolofei kokou fiyasigei. Fiyasigemou, nale hou fua folomou, sibige hiyedo ma i. Ilo kelebe 30 kege ma i, ilo kelebe 60 kege ma i, ilo kelebe 100 kege ma iyodei.

9 Yesuha haba tobou, o koyo na, kihiyou dalababe, ta kou defeido du.

Yesuha ta makai hehegie tobou di kaha sibige ke tobou

(Matyu 13:10-17; Luk 8:9-10)

10 Kegemou, o sasai olou fei ile hobogou mou, Yesuha e dabai degedi o olou fei 12 kege kediabou, haba ebou de daladi o kediabou de emokou ta makai olou fei kaha sibige ke yoduga i.

11 Yesuha o kediamokou tobou, Godiha o sasai wolou daladi kaha sibige keme ni tawam-abadomou you nimokou kou hegi, mogogou ta dala mei. O damaleyodele ili mei kedianou si ta makainou dudi, ta sibige ta dudiyo meiyode tobou.

12 Kegemou, afu o taha kou gue nalai dala, Kou duguloye, kenou si sibige ta dugulo ile mei. Kou duloye, kenou si sibige ta tawale ile mei. Kegeligi, fi bohoulou iba, Godiha midihou kasagai dia milolou idi ke gebe meiyodeiye domou.
Aisaia 6:9-10

Nale hou hebesei ta makai kaha sibige

(Matyu 13:18-23; Luk 8:11-15)

13 Kegemōu, Yesuha e dabai degedi o kediāmokōu tobou, ni ta kōumaha sibigebe tawaiyo mei kaha degemōu, ta makai ilo kele tobolōu kene ni ta tawale sagai mei.

14 O nale hou hebesei keme Godiha ta ke hebesei.

15 Nale hou alikōu fiyasigei kaha sibigebe kōu gue, o sasai ilo kele Godiha ta dumōu be, Tamahage totodo hagua, Godiha ta die duledu segei keme igisedi.

16 Nale hou mihi igibōu kokōu hebesei kaha sibigebe kōu gue, o sasai ilo kelebe Godiha ta dulo, toto tawalemōu hohō degediye,

17 kenōu si o keme tefebōu mei kaha, Godiha tabe hiyefeji daladiyo mei. Godiha ta sesele ilamōu degeligi, hagi gehe gehebōu, haba oe dia makolamōu degele imōu duguomōu be, die damaleyodei keme totonōu tōu fogōu le idi.

18 Nale hou aye ti yokōu hebesei kaha sibigebe kōu gue, o sasai ilo kele Godiha ta kōu dulo idiye,

19 kenōu si sa sibige kaha hagi sudo kenōu fimamōu, sele hiyedo moloū sagai bōu, bi daga daga ke moloū sagai fimai kahage Godiha ta ke akogumōu be, sibige ta maḍiyo mei.

20 Kenōu si nale hou mihi bolofeji kokōu hebesei kaha sibigebe kōu gue, o sasai kedia Godiha ta dulo, damaleyodele i. O sasai kedia me segei folo sibige hiyedo maḍi ke sa degei. Ilo kele 30 kege maḍi, ilo kelebe 60 kege maḍi, ilo kelebe 100 kege maḍiyode tobou.

Obe kamai dou migiemou be, bilika hayedu dogogudiyo mei
(Luk 8:16-18)

²¹ Yesuha e dabai degedi o kediamokou tobou, obe kamai migie mala haguamou be, bilika hayedu dogogudiyo mei. Fafai hayedune ta dogogudiyo mei, moso tama kele dogogudi.

²² Bi olou fei mogogou dala keme habage tama degele. Bi olou fei oe gogogu dala kene habage kou tama degele dala.

²³ O koyoha kihiyou dalababe, ta kou duyede tobou.

²⁴ Ta ni dulu koufume defeido fimama. Ni o takou nedi keme, Godihane kenou tefele nimokou nele. Haba dogou guoba, hiyedo dege neleyode tobou.

²⁵ O taha bi ilo kele dalababe, Godihage tage dogou guba, bi sudo degele. O taha ta e bi hiyefei mei debabe, e bi huyadefei dala keme Godiha molo uyode tobou.

Segei hou fua felei ta makai

²⁶ Yesuha haba tobou, Godiha o sasai wolou daladi midihoe keme kou guei, o taha mihikou segei hou sogoma fogou i sagai kenou tefei.

²⁷ O kaha huliame tiadi, agali siadi kelege, segei hou kaha kage folo hiye degelibe, ege ta tewe mei.

²⁸ Mihiyenou degeiye, segei kuhe folodi. Bege bukou foulugi, ise sou degema kuhe madi.

29 Nalẹ sibige moṃmōu be, o kaha ile di-afigidi. Yobe, segei keme ise suwi degei degemōu moṃudiyode tobou.

Ta makaibe nalẹ mastet ho kokōu ma tobou
(Matyu 13:31-32; Luk 13:18-19)*

30 Yesuha haba tobou, Godiha o sasai wolou daladi midihobe kagei? Ta makaibe di kagei kokou tobolou?

31 Godiha o sasai wolou daladi midihobe keme nalẹ mastet ho sagai kegei. Mastet ho keme nalẹ ilo kedia ho sagai kegei mei. Huyadefei do ke mihikou sogolo idi.

32 Sogoma fogou mou, nalẹ mastet hou kaha folomou hiye degedi, segei ilo kelebe e hiye degedi sagai kege degediyo mei. Eme hebe sa degei, go hiyedo degeimou, sio kedia haguasie, e guo hayedu bi togolo idiyode tobou.

*Yesuha egeibe ta makaiyanou tobou di
(Matyu 13:34-35)*

33 Yesu e Godiha ta ke o sasai kediamokou tobou dibe, e ta makai kou tobou di sagai kenou haba tobou di. O sasai kedia tawale i ho fogou mou be, e mou hiyafogou di.

34 O sasai kediamokou be e ta sibigebou de ta tobou diyo mei. Ta makainou tobou di. E dabai degedi o kediabou denou dalalisi, ta sibige olou fei ke tobou di.

* 4:29 4:30 Obe nalẹ nalāmōu, nalẹ mastet mugu sebe sagai kegei.

*Yesuhā tobōu mōu, wi hiyedo mei degei
(Matyu 8:23-27; Luk 8:22-25)*

³⁵ Sawisiei kelege, habido degeimōu, Yesuhā ẹ dabai degedi o kediamokōu di ohueiyai ilobōu imebeede tobou.

³⁶ Imebeedemamōu, diā o sasai kefei ke tōu fogōu mōu, mosole Yesuhā duwo ke sama yai. Mosole ilo kelene sesele yai.

³⁷ Yolugi, wi hiyedo hagua, tō bobouye mosole foudu gobōu gi sama, huei amamalāmōu degei.

³⁸ Eme mosole siowo Ɔukōu woma dogoguo tiei tilamōu tile haguāgie tobou, Tisa, nage dibe hueiye woladi ke tawaiyo meiyode tobolōu i.

³⁹ Kege tobōu mōu, Yesuhā haguā, wi hiye ke akoguo, tō bobou kokōu tobou, uwo degeli ke fogōu yedeimōu, wi hiye kebōu tō bobou kebōu olou fei mei degei.

⁴⁰ Mei degeimōu, ẹ diāmokōu kōu gue yodu, ni kageimōu gue degele iya? Ni amokōu be damaleyodeiyo mei?

⁴¹ Diā gue hiyedo degemōu, dio Ɔunōu tugulo tobolōu i, o ko Ɔume koyodo? Wibōu tō boboubōu kahane ẹ tā dulomōu, mei degeliyode tobolōu i.

5

*Yesuhā duo kasagai, fi totōu degei o takōu dala
ke igile mugu
(Matyu 8:28-34; Luk 8:26-39)*

1 Yesuha ẹ dabai degedi obou de mosole sama, ohueiyai Galili dama, ilobou sa Gerasakou ile fologai.

2 Yesuha mosole dogoguo fogou imou, duo kasagaiye tou o ta ẹ tofigiei widagai saya ke sia dema hagumou gelegu.

3 Eme tei widagai sakou tiadi o. O tae tigale sagai mei. Tigi neledoyene tigale sagai mei.

4 Oe eme dobogou ubou abogou ubou tigi neledoye tiga idiye, kenou si ẹ tigi ke kagile fila kama fodi. Eme nele hiyedo, oe ẹ tolou sagai mei.

5 Sawisiei olou fei, agalibou huliabou debe eme tei widagaiyabou bitouyabou denou siadi. E gou guama sulugi, yousie ẹ kolo igiye kagisedi.

6 O kahage Yesu ahudo tafalamou duguomou, ẹ foukua hagua, Yesuha tafala hafei dege yubu sugulo fiyamou duwoli,

7 ẹ ta nelebou do tobou, Yesu, name damaledo Godiha Dihi. Na amokou kei degelamou? A namokou Godiha huya ke ame makodayede tobou.

8 Yobe, Yesuha kou tobou, duo kasagai, na o kou tou fogou fogou iyede tobou kaha degemou.

9 Kegemou, Yesuha emokou ne hube koyo? de yodu. Ma hube Ami, eibe sudo dalaguayode tobou.

10 Kege tobou ma haba tobou mou iligi, na duo kasagai sudo ma duledu dala keme sa ahudo sa kokou hobou igisedayede tobou.

11 Sa kelegebe, bitou huyadefei ta hafei kokou

be, wai sudo biye nala deleigui.

¹² Duo kasagai kedia Yesukou neledo dege kou gue tobolou i, na ei tobou ba ya, wai duledu fologalebe de bolou?

¹³ Yesuha ni imabeedeimou, duo kasagai kedia o ke tou fogou ya, wai kedia duledu fologi. Fologoumou, wai kedia foukua ya, tiahaiya ke ohueiyai kokou fogu fiyasigemou, hueiye olou fei woumou tofigile hobogou. Wai olou feibe 2,000 kege sa degei.

¹⁴ Wai sudo ke dia dalaguadi o kedia ke duguomou, kama fosige ya, sa hiye kileyabou, sa sa hafeiya kebou olou fei ta ke susulo tobou mou suluguei. O sasai kedia ta uwo ke dulomou, kage degeiye degei domou dugulamou haguasiei.

¹⁵ Yesukou haguasiemou dugube, duo kasagaiye kou tou o keme duwomou dugulo i. Fi totou degei keme mei degeimou, fimai bolofeido degeimou, yukuei kama duwei. Dia ke duguomou, gue degele i.

¹⁶ Yesuha degeimou dugulo i o kediage diamokou ke susulo tobolou i. O duo kasagaiye tou ke igile mugu kebou, haba wai tofigiei kebou de susulo tobolou i.

¹⁷ Dia ke tobolou imou dulomou, Yesukou ta neledo dege, na ei sa kou tou fogou ba, sa ta fogou iyede tobolou i.

¹⁸ Kegemou, Yesuha mosole foudu fala degeimou, duo kasagaiye kou tou o kaha emokou

neleđo dege yodu, na boloyodeiba, a nabou de ile?

¹⁹ Kenou si Yesuha dafamou akoguo tobou, name mosokou ile, Hiye Oha namokou solou do degemou degegai ke ne sosou diamokou tobou yedei.

²⁰ Kegemou, o kahage fogou ile, sa Dekapolisya ke sulugi, Yesuha emokou degegai kaha ta ke tobou mou siei. Sa ke tie o sasai kedia ta ke dulomou be, fi hiyedo ma i.

Yesuha sasai dihi tei ta haguagi, haba sasai taha e yukueikou kugumou bolu degei (Matyu 9:18-26; Luk 8:40-56)

²¹ Kegemou, Yesu e boholou ma ile, ohueiyai Galili mosoleye dama, ilobou folomou dugube, o sasai sudo hagua kefegulo imou dugu. Kefeguo dalaguamou, e ohueiyai biyakou tefelei.

²² Tafalamou, egei moso dia daladi o ta haguei. E hube Jairus. Hagua, Yesuha tafala kokou hafei dege yubu sugulo fiamou duwoli,

²³ neleđo dege kou gue tobou, ma sasai dihibe tolo iladi. Kenou si na ile, ne dobogou dogoguo bolu degeyedeiba, e hagua gehe degeleyode tobou.

²⁴ Kege tobou mou, Yesu e o Jairusbou de i.

O sasai sudo dilie sesele yolugi, dilie tou golou ma i.

²⁵ Ali duo kokou be, sasai tane tefelei. Sasai keme sadebe olou feido 12 kegebe tiaibou nou delei.

26 Eme dokta sudo kōu dugumōu iye, kenōu si donōu nele idi. E sele sudo sibidiye, kenōu si e do huyadefej ta bolō degeli mei. Do kaha dolo hiyenōu degei.

27 Sasaj kahage Yesuha degedi ta uwo ke dulomōu hagua, o sasaj sudo tafalaguamōu, ene kele tefelei. Yesu e tobeya ke amafej hagua, e yukuei sasado kokōu kugu.

28 Yobe, e Yesuha yukueinōu fei kugubabe, e bolō degeledade tawalemōu.

29 E Yesuha yukuei kokōu kugumōu, kelegenōu e tiai ke totodo mei degei. E tōu hemele fiyoumōu duguomōu, e dobe mei degelidade tawai.

30 Do mei degeimōu, kelegenōu Yesuha yoūu e nele ilo ke mei degeimōu tawalemōu bohōlōu mōu, ma yukueikōu koyoha kugulou? de yodu.

31 Yesuha e dabai degedi o kedia emokōu tobou, na dugu, o sasaj sudo na tōu golōu ma dalayode tobolōu i. Na kageimōu koyoha ma yukueikōu kugulou de yoduya?

32 Kenōu si Yesuhage koyoha e kugu domōu haba o sasaj kediamokōu defejido masei.

33 Sasaj kahage emokōu ke tama degeli ke tawalemōu, gue degemōu dio keibōu haguamōu, Yesu hafej dege yubu sugulo fiyamōu duwoli, yoūumakōu degei sagaj ke olōu fejido Yesukōu tobou.

34 Yesuha sasaj kokōu tobou, mogo dihi, na amokōu damaleyodei kaha bolō degei dala kuhe. Ne do mei degei. Na ile, bologuado dalayede

tobou.

³⁵ Yesube tā toboloū tafalamoū, egei mosō dia daladi ō Jairushā ē dabai degedi ō kediā haguasiemoū, Jairuskoū tobou, nē dihibe tolo iyodei. Nā Tisakoū hagi degedayede tobou.

³⁶ Kenoū si Yesuhā tā kē toboloū ili dulobe tagali mei, ē Jairuskoū tobou, nā hoboū guē degeda. Nā moū damaleyodeyede tobou.

³⁷ Ē ō sasaī kediā akoguo, nī aboū idamabeedemamoū be, Pitaboū, Jemsboū, Jemshā ē malā Jonboū kediamokoū noū di imebeede tobou.

³⁸ Yolugi, egei mosō dia daladi ō kahā mosō hafei degemoū dube, mosokoū be, dihi kahā sihou gosolo ile uwo hiyedo degele imoū dulo i.

³⁹ Fologamoū, Yesuhā ile folo, ō sasaī kediamokoū tobou, nī kageimoū gosolo uwo hiye kōū degeiya? Dihi kōume teli mei, eme tiei tilayode tobou.

⁴⁰ Kenoū si ō kediā emokoū yilō i. Yilō imoū, ē diā mihikoū muguamabeedemamoū, dihi ē ayeboū ē adioū boū, yōū ē dabai degedi ō kamadia kediāboū denoū woū ma, dihi tei tila mosō kodu fologai.

⁴¹ Sasaī dihi tei kē dobogōū toloū moū tobou, talita kum. Tā kahā sibigebe koū gue, sasaī dihi, ā namokoū haguayede toboloū.

⁴² Kege toboū moū, kelegenoū sasaī dihi kahā haguama siei. Haguama sumoū, ō mosodu tafalagua kediā duguomoū, hiyedo kesigile i.

Sasai dihi kaha e sadebe olou feibe 12 kege.

⁴³ Yesuha ta neledo dege tobou, koou degeli kooume ni omokou tobou damabeedei. E kege tobou ma, sasai dihi keme nale ta nemabeede tobou.

6

Sa Nasaret o sasai kedia Yesuha ta dulo ili mei (Matyu 13:53-58; Luk 4:16-30)

¹ Yesuha sa ke tou fogou, yoo e sabekou i. E dabai degedi o kediane ebou de fogou yai.

² Fologamou, misiholo duwodi sawisie kelege, e egei mosodu folomou, Godiha ta hehegiei. Hehegieimou, o sasai sudo dulo kesigiemou tobolou i, o kooume ta keme koyoha tobou mou e dulomou kuhe tobou ya? Tewe e dalabe, te we keme kagei? Midiho bolu gehe gehe koou degelibe, e kage degeiya?

³ O kooume mosu togodi oyode tobolou i. Eme Mariaha dihi, Jemsbou Josepbou Judasbou Saimonbou kedia die eye. E bobasi diane dibou de kou le dalagua. Mosoma o sasai kedia kege tobolou mou Yesu dafa i.

⁴ Kege tobolou imou, Yesuha kou gue tobou, habage-degele-duguo-tobou di-o kedia hune sa sa olou fei o sasaye hebele fogulo idi, ha kenou si mosoma o sasibou, dioou die sosou bou kediage die ta ta dulo idiyo mei. Dioou die mosodo kokou be die hube meidoyode tobou.

⁵ Sa kilebe e midihō gehe ta degeli mei. Do o tanōu tanōu diāmokōu nōu e dobogoŋu dogoguo bologuoumōu bolō degele i.

⁶ E e mosoma o sasai kedia damaleyodele ili mei kokōu fi hiyedo mai.

**Yesuha e nele ke kou hehegieiye,
kenou si e dabai degedi o kedia
defei ta tawale ili mei**

(Ta Hiye 6:6-8:21)

*Yesuha o olou fei 12 kege kediamokou dabai nei
(Matyu 10:5-15; Luk 9:1-6)*

Kegemou, Yesuha ilemou, sa kaha duo kileya sa sa huyadele ifeija ke hehegiemou siei.

⁷ Sulugi, o olou fei 12 kege kedia haguismou, dia haguasieimou tobou, ni o bolou sa ta iba, o bolou sa ta iba demabeedemamou, e yoŋu e huya ke dia duo kasagai igisemabdomou nele nemou i.

⁸ E diāmokōu kōu gue tobou, ni ilababe, nale sadama, ye koŋudama, sele sadama, bulukainou tou ma ima.

⁹ Abogoŋu moso ke kamababe, yukuei tou mugu bolou kadama.

¹⁰ Ni sa ta ile, moso ta foloubabe, moso kokou nou dalali, sa ke kuhe tou fogou ya degama.

¹¹ Ni sa ta folouba, sa ke tie o kedia ni die mosokou wolou folo ho fogou, haba ni tobolou kene ta du ho fogou babe, sa ke tou fogou fogou ima. Ni ilababe, abogoŋukou duotele dala ke igile

filaba kuhe fogou ima. O kediage ni kege degeli ke duguobabe, die midihog kasagai kaha hebebe moloou daladade tawale ileyode tobou.

¹² Yesuha e dabai degedi o kediamokou ta ke tobou mou, dia ya, o sasai kediamokou be, ni fi bohou mabeede tobou mou suluguei.

¹³ Suluguali, duo kasagai sudo igisemou, haba do o sudone gusege huei humou, bolog degele i.

*O Herotha Yesube fafeleya degedi o Jonyadei
(Matyu 14:1-12; Luk 3:19-20, 9:7-9)*

¹⁴ Yesuha e hu sa sa olou fei tefeimou, hiye o Herotha o sasaiye tobolou imou du. O ilo kelege Yesu eme fafeleya degedi o Jon kou tolo i kaha haba hagua gehe degeiyode tobolou i. Kegei kahanou e midihog gehe gehe ke kuhe milou gadiyade tawale i.

¹⁵ Haba ilo kelegebe Yesu eme Elaijayode tobolou i. Haba ilo kelegebe eme habage-degele-duguo-tobou di-o, afu tofolou i ke sa degeiyode tobolou i.

¹⁶ Herothage ta ke dulomou tobou, o Jonbe a gabagi kou kaiye, haba gehe dege hagua kuhe dei de tobou.

¹⁷⁻¹⁸ Herotha ta ke tobou kaha yobe kou gue, Jon eme teli mei kelege, Herotha e eye Filipha sobou Herodias figoumou, Jonha na ne eyeha sobou ke figa hube doudo meiyode tobou. Kegei kaha, Herotha o ta tobou mou, Jon tolou ma, didiog mosokou tigi neledo kaha tigama dogogu.

19 Jonhā tā kē tobou kaha dowoye, sasai Herodiasha Jonbe dafamōu walamōu fimaj. Kenōu si wolo sagai mei.

20 Yobe, Herothā Jonbe defeido dia delei kaha. Herot e Jonkōu gue degemōu, Jonbe Godiha dihile kokōu be doudo odade tawai. Kegei kaha degemōu, Jonhā egei tobolōu kē dulo fimamamōu kōu hagi degeiye, kenōu si Jonhā haba tobōu ba dulo sagai degei.

21 Ise sawisiei ta, sasai Herodiasha Jon wolo a dugu. Kelegebe, Herothā adiōu hā e malā felei sawisiei kē hohobolōu nale hiyedo kefemamōu, gamani obōu, ami hiye obōu, sa Galili hiye obōu kedia digumōu, haguasie kefeguomōu, nale kē nalā duweguei.

22 Nalē nalā duwoguamōu, Herodiasha sasai dihi mabigi kaha fele siōu gōu mōu, Herotbōu o olōu fei kedia tagale i. Tagale imōu, hiye o Herothage sasai dihi kokōu kōu gue yodu, age namokōu be kei nele? Bi nā tagali kē amokōu tobōu ba, a namokōu neleyode tobou.

23 E damaledo maka dege kōu gue tobou, nā bi kagei ta amokōu yodulu keme a doudo namokōu neleyodema makai. Mā sa kene nā molo□u sagai degeibabe, a ta diafolōu, namokōu neleyode tobou.

24 Kegemōu, sasai mabigi kaha mulomōu, e adiōu kōu yodu, a kei bi neyede tobolōu? de yodu. E adiōu hā kōu gue tobou, Jon fafeleya

degedi o kaha widio ka neyede tobou yedei.

²⁵ E adiou ha ke tobou mou, sasai mabigi kaha totodo bohoulou ma folomou, hiye o kokou tobou, na kou bou genou Jon fafeleya degedi o kaha widio ka, melekikou sagie amokou neyede tobou.

²⁶ Hiye o Herot e ta ke dulomou, hagi hiyedo degeiye, kenou si o nale nala duwogua kedia dihile kokou e damaledo kou degeleyode tobou kaha sidifi degele sagai degeimou, ta e sasai gisiai kokou kou tobou keme ta fogolou sagai mei.

²⁷ Kelegenou, totodo hagua, e ami o ta tobou mou, didio mosokou ile, Jonha widio diafou.

²⁸ Diafolou mou, melekikou sagemou, mala hagua, sasai mabigi kokou neimou, sasai kaha mala ile, e adiou kou nei.

²⁹ Kegemou, Jonha e dabai degedi o kedia hiye o Herotha degei kaha ta uwo ke dulomou haguasie, Jon tei mala ile widai.

*Yesuha o 5,000 kege kediamokou nale nei
(Matyu 14:13-21; Luk 9:10-17; Jon 6:1-13)*

³⁰ Kegemou, ta-bolofei-mala-suluguadi-o kedia bohoulou ma haguasie, Yesuha dalakou kefegumou, dabai dia kou degele i kebou, Godiha ta dia kou hehegie tobolou i kebou de susulo tobolou i.

³¹ Kenou si o sasai sudo ima haguama dele ili kaha, nalebe nale sagai mei. Yesuha diamokou tobou, dinou ime. O mei sa kokou ile, ni huyadefei misihomabeede tobou.

³² Kege tobou mamou, dio unou mosole sama, ohueiyai ilobou, o mei sa kokou yai.

³³ Kenou si o sasai sudo kediage diame youmou, die midiho kou duguo tawale hobogou, ta uwo ke sa sa olou fei tefeimou, o sasai sudo ohueiyai koya ke abogo uya foukua yolugi, Yesuha ili sa kokou diabukou fologai.

³⁴ Yesuha ohueiyai ilobou folomou dugube, o sasai sudo kefema dalamou duguomou, solou do hiyedo degei. Yobe, diame wai sipsip, wolou daladi obou mei sagai kegei. Dalaguamou duguomou, e ta yomogou hehegie tobou mou i.

³⁵ Hehegie tobou mou ibe demou, habi degeimou, e dabai degedi o kedia haguasiemou tobou, kou lebe moso mei, haba huliiane degeli kaha degemou,

³⁶ na o sasai kefegu ke tobou ba ya, sa sa hafei kokou ya ke dio u seleye nale mo uma nala ile.

³⁷ Kenou si e diamokou sima tobou, nalebe ni diamokou nema. Dia yodu, na ei sele 200 kege* mala ya, ou si mo uma hagua, o sasai kediakokou neyedema tobolou? de yodulo i.

³⁸ Kenou si e kou gue yodu, ou si olou fei kage dala? Ni ya, yodugamabeedei. Dia ya yodugama haguasiemou, ou si olou fei houyosi kegebou, haba miye bolou kegenou fei dalayode tobolou i.

* **6:37 6:37** Die ta sele hube 'denarius'. Sawisie tanou kaha dabai degei kaha hebe keme sele 'denarius' tanou fei.

39 Kegemōu, Yesuhā diāmokōu tobou, n̄ige o sasai olōu fei diō sū kele kefeguo duwomabeedema.

40 Kege tobōu mōu, bilo ibe, ilo kele 100 kege kefeguo bilo i, ilo kelebe 50 kege kefeguo bilo i.

41 Duwoguamōu, Yesuhā ōu si houyosi kege kebōu, miye bolou kebōu de mala tolōu, hebenitōu daladuguomōu, Godikōu bolofeyode tobou. Tobōu mamōu, ōu si ke bafigima, e dabal degedi o kediamokōu neimōu, dia moꞑumamōu, o sasai kediamokōu fimōu i. Haba miye bolou kene bafigima, o sasai kediamokōu fimōu i.

42 Fimōu, o sasai olōu fei kedia nale nala iligi guokōu degele i.

43 Ōubōu miyebōu ke nala iligi, olōu fei mei degele ili mei. Isimo fogou ke tigi moso tegei olōu fei 12 kege kodu saga i.

44 O nale nala i olōu fei kediamē 5,000 kege.*

*Yesuhā ohueiyai tageya tofōu tofōu i
(Matyu 14:22-33; Jon 6:16-21)*

45 Kelegenōu, Yesuhā e dabal degedi o kediamokōu tobou, n̄i totodo mosole foudu fologaba, n̄ibukōu ohueiyai ilobōu sa Betsaidakōu ima. Ame o sasai kediamokōu imabeedeiba dia youba, hobōu a n̄i habage kuhe ile.

46 E yawo de tobōu ma fogōu, diho baga tobōu lamōu bitoukōu felei.

* **6:44 6:44** Keme o kedianōu. Haba sasabōu sisigbōu olōu fei kage nala i keme di ta tewe mei.

47 Habido, mosole ohueiyai dulekōu tilamōu, Yesu ɛme ɛsofej ohueiyai biyakōu tefelei.

48 Ohueiyai biyakōu tafalali dugube, wi hiyedo hagumōu, ɛ dabai degedi o kediaɛme mosole mala ili kaha hagi hiyedo degele imōu dugu. Kenōu si mosolebe ile sagai mei. Sabiyale hafej degeimōu, ɛ ohueiyai tageya ke tofou tofou diaɛmokou i, mosole dohou gou fogou ilamōu degei.

49 Kenōu si Yesuha dabai degedi o kedia ɛ ohueiyai tageya ke tofou tofou hagumōu duguomōu be, duo kasagaiye haguluyade tawalemōu, gou gua i.

50 Yobe, dia olou fei ɛ hagumōu duguomōu, gue hiyedo degele i. Gue degele imōu duguomōu, ɛ kelegenou totodo tobou, ni hobou gue degedama. Koɔume anou. Ni fi neledo dege dalama.

51 Mosole foudu folo, diaɛbou de dalamōu, wi ke mei degei. Mei degeimōu, dia kesigiemōu, fi fofou gule i.

52 Yobe, ou si, Yesuha o sasai sudo kediaɛmokou kou fi kaha sibigebe, dia ta tawale ili mei kaha degeimōu. Die fiɛbe hiligido dalagua.

*Yesuha sa Genesaretkou do o sasai sudo bo-
loguomou bolu degele i
(Matyu 14:34-36)*

53 Yesubou dia ohueiyai dama sa Genesaretkou fologamōu, mosole gomogu.

54 Mosole dogogumōu, sa ke tie o sasai kedia Yesuha midihou duguo tawale hobogou.

55 Tawale hobogou mou, sa kiliya ke olou fei ta ke tobou mou suluguamou, sa ke tie o kedia do o sasai botogogai tagetou dogoguema hebema, Yesube kele dalayodeimou dulomou, kele hebema yai.

56 Sa sa kiliya olou fei Yesu e sumou be, oe do o mouma haguasiemou, kefegudi sa kokou dogoguedi. Dogoguemamou be, Yesu baha duwoguali, hagumou, ta neledo dege kou gue tobolou i, na ne yukuei ke seseguba, do o kedia ne yukuei fe kokou nou kugugueiba, bolu degele ileyodele i. Kegeimou, dia Yesuha yukuei fe kokou nou kugugueimou, olou fei bolu degele i.

7

*Godiha ta kahage di kou guai egei keme gabama feleido dala
(Matyu 15:1-9)*

1 Mosesha kuolou yo du o ilo kedia sa Jerusalem tou fogou ya, Farisi o kedia geleguomou, Yesubou de kefegulo i.

2 Kefeguomou dugube, Yesu e dabai degedi o ilo kelebe dobogou bigili mei nale nala imou dugulo i.

3 Farisi obou Juda obou olou fei kediage die kou guai egeinou sesedi. Die dobogou defeido bigili meibe, nale nala idiyo mei.

4 O kedia makisikou yamou, boholou ma haguasiemou be, to teli meibe, nale nala idiyo

mei. Midihō sudone, die kōu guaiye afu degedi keme diane sesedi, kopebōu bilikabōu melekibōu de defeido bigile idi ke sagai.

⁵ Kegemōu, Farisi obōu Mosesha kuolōu yo dulo i obōu kedia Yesukōu haguasiei, kageimōu ne dabai degedi o kedia di kōu guai egei ke sesele iyo mei? Die dobogoŋube sibigibōu kege nale nala ili.

⁶ Yesuha sima tobou, nime taenōu tobolōu idi o. Aisaiaha habage tama degele ke toboube, e nimokōu nōu kōu gue tobolōu mōu nalai, O sasai koŋudiage ma hube taenōu hebele fogulo idi, kenōu si die fiŋbe ahudo dalagua. Amokōu ta dala mei.

⁷ Dia hehegiedibe, oe kuolōu mai kenōu hehegile idi. Kuolōu ta koŋume Godiha tayodema, amokōu mōu yoŋuwa kege kōu mōu hohobolōu idi. *Aisaia 29:13*

⁸ Nime Godiha ta ni dumabeedei ke tobekōu muguomōu, oe hehegiedi midihō kenōu sesega iliyode tobou.

⁹ Kegemōu, Yesuha diamokōu haba tobou, nige Godiha egei ke tobekōu mugulo hobogou, niōu hehegiedi midihō kenōu sesega ili kaha degemōu. Ke degelibe bolō sagai, ha bolō mei sagai?

¹⁰ Mosesha kōu tobou, Aye adiōu diliemokōu be midihō bolofei kenōu hehegieyedei. *Kisim Bek 20:12*
Haba kōu guene tobou,

O koyohā ē aye adioū diliemokōū tā kasagai dege tobōū babe, o keme wouba tolo ileyodei.

Kisim Bek 21:17

¹¹ Kenōū si nige kōū gue tobōū di, o koyohā bi ta ē aye adioū diliemokōū nele sagai ke haba Godikōū neleyodema makoubabe,

¹² nige bi keme ē aye adioū diliemokōū be hobōū nedayede tobolōū idi.

¹³ Kegei kahā nime Godihā tā huyafei degele idi. Ni kōū guai o kedia hehegiemōū hagumōū nīne dulo i kenōū tobolōū idi. Haba, nime kōū guai egei sudo kegele i ke sesele ili.

Yesuhā o duo sibigi degedi kahā tā ke tobou (Matyu 15:10-20)

¹⁴ Kegemōū, Yesuhā haba o sasai haguismōū, haguasie kefegumōū tobou, ni olōū fei mā tā koūu duloba tawamabeedei.

¹⁵⁻¹⁶ Nale di nalā idi kahage di duobe ta sibigi degediyo mei. Ha di fimāma tamākōū degedi kahānōū si o di duo sibigi degedi.

¹⁷ Kegemōū, Yesuhā o sasai kedia tōū fogōū mōū, mosokōū fogōū ile foloumōū, ē dabai degedi o kedia emokōū tobou, tā makai, nā tobou kahā sibigebe tobōū yede tobolōū i.

¹⁸ E sima tobou, nime kageimōū fi totōū degele iya? Nale olōū fei di nalā idi kahage di duo ta sibigi degediyo mei ke tawama.

¹⁹ Yobe, nale olōū fei di nalā idi keme guamedunōū mudi. Habage tamākōū feledi. Nalebe di

fī du mudiyo mei. Yesuha ke tobou kaha sibigebe nale olou feibe nalenou yode tobou. Kuolou ta dala mei.

²⁰ Yesuha haba tobou, obe fimama tamakou degedi kahanou yofu e duo sibigi degedi.

²¹ A tobolou be, midihō kasagai milou gadi olou fei o fimai tama degedi kou guei ke tobolou, fi kasagai madi midihō, sasai hiyoubou, o hiyoubou siadi midihō, bi hiyou mojudi midihō, o wodi midihō,

²² sasai hiyoubou, o hiyoubou mojudi midihō, bimai duguo tagadi midihō, midihō kasagai omokou milou gadi midihō, ogou ga tobou di midihō, tou e tagadi midihō gehe gehe, kona degedi midihō, yogo susuga tobou di midihō, du ho fogou di midihō, totou dege milou di midihō.

²³ Kege degegadi midihō kasagai olou feibe o duledu dalaguai, tama dege milou goumou be, o duo kuhe sibigi degediyode tobou.

*Sa Fonisia sasai taha Yesukou damaleyodei
(Matyu 15:21-28)*

²⁴ Yesu e sa ke tou fogou mou sa Tairkou fogou ile felei. Folomou, moso ta folo duwei. E o tae e kile duwo ke tawalebe dafaiye, kenou si ta mogogolou sagai mei.

²⁵ Kegeimou, sasai ta, e dihi sasai dihibe duo kasagaiye tou. Sasai kaha Yesube moso kodu dalayodele imou dulomou, toto hagua, Yesuha abogofu hafei dege yubu sugulo fiamou duwei.

26 Sasai keme huti ta sasai, sa Fonisia sasai, e sadobe Siria. Sasai kaha Yesukou neledo dege kou gue tobou, na duo kasagai, ma dihi tou dala ke igile muguyede tobou.

27 Yesuha sima tobou, di sisigo kediabukou nale neme. Di sisigo nale ke mouma, so kedia mokou hebeseiye.

28 Sasai kaha tobou, Hiye O, na damaledo tobouye, kenou si nale nala imou be, so kedia fafai hayedu tilaguali, sisigo kedia nale fi fiasigili ke mouma nala idiyode tobou.

29 Kegemou, Yesuha sasai kokou tobou, na kege tobolou degeimou na boholou ma i. Ne dihibe duo kasagaiye tou fogou fogou iyode tobou.

30 Kege tobou mou, sasai kaha ile, mosokou folo dugube, dihi keme e tiadi kotou tilamou dugu. Duo kasagaiye e tou fogou mou, bolu degei dugu.

Yesuha o ta kihyoyu tefegai, ta mei ke bologoumou bolu degei

31 Kegemou, Yesu e sa Tair tou fogou mou, sa Saidon duoya ke iligi tou fogou mou, haba sa Dekapolisya ke iligi, ohueiyai Galilikou mu.

32 Mumou, sa ke tie o kedia o ta emokou wolou haguasiei. O keme kihyoyu tefegai. Tane bologua tobou diyo mei. O kedia Yesukou, na ne dobogou dogoguba, o koume bolu degeleyode tobolou i.

³³ Yesuhā o ke wolōu ilemōu, o sasai tou fogou, tafei ile, diliesofei dalali, e dobogou bolouye o kaha kihiyoudu muguomou, haba e dobogou koso helemamou, o kaha ikou kugu.

³⁴ Hebenitou daladuguo, molo hiyedo holo filamou, ta mei o kokou efata-yode tobou. Ta kaha sibigebe kou gue, souseyede tobou.

³⁵ Kege tobou mou, o kaha kihiyou sousei. Ta mei degei kene bolou degeimou, bologuado tai.

³⁶ Bolou degeimou, Yesuhā e degeli ke tobou damabadomou kuolou dogogu. Kuolou kou dogoguye, kenou si o sasai kedia e degei ke hiyedo tobolou suluguei.

³⁷ O sasai ta ke dulo kesigiemou tobolou i, e degegolu olou feibe bolonou. E degeiyege, kihiyou tefeyene ta dulo ili. Ta meiyene ta iliyode tobolou i.

8

Yesuhā o 4,000 kege kediamokou nale nei (Matyu 15:32-39)

¹ Kelegebe, o sasai sudo haba haguasie, Yesukou kefegulo i. Dalaguali, nale mei degeimou dugumou, Yesuhā e dabai degedi o kedia haguismou haguasieimou kou gue tobou,

² a o sasai kediamokou solou do degeli. Abou de dalaguali, sawisie kamadia kege mei degeimou, nale mei degei.

³ A o kediame die sabekou mou kege yamabeede tobou ba yolugi, ali hegieye tofigile sagai degele iye domou . O ilo kelebe sa ahudo o sasaiyode tobou.

⁴ E dabai degedi o kedia sima tobou, sa kuokou be hebe mei mihinou sa. Di ou sibe kiliya kele mamoumaba, o sasai kediamokou nele?

⁵ E diamokou yodu, ni ou sibe kage dala? Ou sibe dioyosi kegenou dalayode tobolou i.

⁶ Kegemou, Yesuha o sasai kediamokou, ni mihikou duwoguamabeede tobou. E ou si dioyosi kege ke mala tolou mou, Godikou bolofeyode tobou ma, ou si ke bafigimamou, e dabai degedi o kediamokou neimou, dia momumamou, o sasai kediamokou fimou i.

⁷ Miye huyadefei ilo kelene delei. Yesuha Godikou bolofeyode tobou mamou, miye kene fimabeede tobou.

⁸ O sasai kedia nale ke nala iligi guokou degele imou, isimo fofou guei ke kefema, tigi moso tegei dioyosi kege kodu sa i.

⁹ O olou feibe 4,000 sagai kege.

Kegemou, Yesuha o sasai olou fei tobou mou fogou yai.

¹⁰ Youmou, ene e dabai degedi obou de mosole sama yolugi, sa Dalmanutakou fologai.

*Diq Yesukou midihogeheta milou yedele i
(Matyu 16:1-4)*

11 Farisi o kedia haguasiemou, Yesukou tae biya iligi, e tefele dugulamou kou gue tobolou i, na midihogeheta milou ba dugubasi, eige name Godiha tobou mou, hebenitou ge hagueidade tawaleyode tobolou i.

12 Yesu e molo hiyedo holo filamou tobou, kageimou ifi kou bou gedo o sasai kediage midihogeheta hegiba dugulamou yodulo iya? A nimokou damaledo tobolou kuhe. Ifi midihogeheta milou ba dugulo ile meiyode tobou.

13 Yesuha kege tobou ma fogou mou, o sasai kedia tou fogou mou, mosoleye ohueiyai dama, ilobou felei.

*Ta makaibe Farisi o kediabou o Herotbou dia die ou sidi mola kokou ma tobou**
(Matyu 16:5-12)

14 Yesubou dia mosole sama ohueiyaiya yolugi dugube, ou sibe sali mei. Dabai degedi o kedia totou dege fogou haguasiei. Ou si tanou feido sa haguasiei dugu.

15 Kegemou, Yesuha nelede dege tobou, niou tawaibou. Farisi o kediabou Herotbou die ou sidi mola keme ni moye.

16 E dabai degedi o kedia e kege tobou mou dulomou, dio unou tugulo tobolou i, ege di ou si mei kaha degemou tobolou yodei.

17 Dia tugulo tobolou imou Yesuha tawalemou tobou, ni kageimou di ou si mei ke tugulo tobolou

* 8:13 8:14 Ou sidi mola kaha sibigebe die midihogeheta kasagai.

iya? Kageimōu nī toto tawale ili mei. Nī fībe hiligido dalagua.

¹⁸ Nīme kōu dihoḅōu ye, kenōu si ta dugulo iyo mei. Kihiyōune kōu dalaye, kenōu si ta dulo iyo mei. Kageimōu nī totōu degele iya?

¹⁹ A ōu si houyosi kege ke bafigimamōu, o 5,000 kege kediamokōu fi kelegebe, nale isimo fogoube tigi moso tegei olōu fei kage sa ilou? Olōu fei 12 kegeyode tobolōu i.

²⁰ Haba a ōu si dioyosi kege ke bafigimamōu, o 4,000 kege kediamokōu fi kelegebe, nale isimo fogoube tigi moso tegei olōu fei kage sa ilou? Olōu fei dioyosi kegeyode tobolōu i.

²¹ E diamokōu tobou, kageimōu a kōu degegai ke nī ta tawale iyo mei?

Yesuha e dabai degedi o kediamokōu hehegie tobou di (Ta Hiye 8:22-10:52)

Sa Betsaida o ta diho du degei ke Yesuha bologuomōu bolō degei

²² Yesubōu diā sa Betsaidakōu ya fologoumōu, o ilo kediā diho du degei o ta Yesukōu wolōu haguasiemōu, na o diho du degei koū kuguyede tobolōu i.

²³ Yesuha o diho du degei o kaha dobogoū tolōu alikōu tafei ilemōu, o kaha diho kokōu koso helemamōu, dobogoū o kokōu dogoguomōu yodu, na bi ta de dugulu?

24 O kaha masele dala demamou tobou, a o ilo kele youmou kou duguluye, kenou si hebe sa degei kaha youmou duguluyode tobou.

25 Haba e dobogou o kaha diho kokou dogoguomou, bologuomou, e diho bolodo degei, bi olou fei tamanou dugu.

26 Yesuha o kokou be, na o dihle hobou siada. Ne mosokou nou iyedei.

*Pitaha Yesube Godiha makaiyode tobou
(Matyu 16:13-20; Luk 9:18-21)*

27 Yesuha e dabai degedi obou de ya, sa sa huyadefei, sa Sisaria Filipai hafei dege dalaguaya ke suluguali, diamokou kou gue yodu, o sasai kediage ame koyodade tawale iya?

28 Dia tobou, o ilo kediage name fafeleya degedi o Jonyode tobolou ili. Haba ilo kediage Elaijayodele ili. Haba iloyege habage-degeleduguo-tobou di-o tayodele ili.

29 Yesuha haba yodu, niou ge ame koyoyode tawale iya? Pitaha tobou, name Godiha makai o Kelesuyodei.*

30 Kegemou, e diamokou nelodo dege tobou, nige ame o keyode tobou damabeedei.

Yesuha yufido eme tolo ileba, hagua gehe degeleyodei

(Matyu 16:21-28; Luk 9:22-27)

31 Kegemou, Yesuha e dabai degedi o kediamekou yomakou tama degele ke yoma

* 8:29 8:29 Kelesube Godiha di mamouyadomou makai o.

hehegie tobou, O Kediā Dihi ɛme do hiyedo duguba, odo odobou, mogou du dalaguadi hiye obou, Moseshā kuolou yo dulo i obou olou fei kediā ɛ tobekou mugulo. ɛme wouba tolo ile, sawisiei kamadia kege mei degeiba, haba hagua gehe degeleyodei.

³² Ta ke tamado tobou mou, Pitahā Yesu wolou teguo ilemou, emokou gofōudo dege tobou.

³³ Kenou si Yesuhā bohoulou mou, ɛ dabai degedi o kediamokou maselemou, Pitakou gofōu dege tobou, Tama, na ma tobekou i. Name Godihā fimaībe tawaiyo mei. Name o kediā fimaī kenou tawali.

³⁴ Kegemou, Yesuhā o sasaībou, ɛ dabai degele idi obou olou fei kediā haguissoumou, haguasieimou tobou, o koyohā a seselababe, ɛ yōusie huyafei degeba, a hebe fufuguomaī hebele ile sagaī kenou tefele, a seseyede tobou.

³⁵ O koyohā yōu ɛ finou tolou subabe, ɛ fi keme mei degeiba tolo ile. Ha o koyohā ta uwo bolofei ke tolou ba, ma habage sesele iligi toubasi, o keme fi tofousogo tofousogo tofolou ke molōu.

³⁶ O tahā sa sibige kuokou bimaī olou feido kou molōuye, haba ɛ fi gehe ke mou li mei dalali toubabe, bi olou fei kahage ɛ fībe ta dogou gulo mei.

³⁷ ɛ bimaī kahage fi tofousogo tofousogo tofolou keme ta mamolōu sagaī mei.

³⁸ Ifi kou bou gebe o sasaī kediāge Godi tobekou

muguomōu, midihō kasagai daga daga kenōu milolōu dalagua. O koyoha abōu ma tabōu de tobekōu muguoba, amokōu sidifi neibabe, sawisie ta kelege, O Kedia Dihi ege Aye Godiha hohōya ke e esol o kedia bōu de haguaba, e o kene tobekōu muguba, sidifi hiyedo degeleyode tobou.

9

¹ Yesuha haba kōu gue tobou, a n̄imokōu damaledo tobolōu kuhe. O ilo kuokōu tafalagua kedia teli mei dalaguali, Godiha o sasai wolōu dalale ke neledo dege tama degeiba dugulo ile.

Yesuha tōu bohōlōu mōu gehe degeimōu dugulo i

(Matyu 17:1-13; Luk 9:28-36)

² Sawisie walaiyosi kege mei degeimōu, Yesuha Pitabōu Jemsbōu Jonbōu de bitōu sasado kotōu wōu ma folomōu, dio unōu deleigui. Dia baha dalaguamōu, Yesuha tōu bohōlōu mōu gehe degei.

³ E yukueibe fō degema hohō hiyedo dugulo i. Sa sibige kuokōu ge e yukuei fō degei ke sagai ta dala mei.

⁴ Dia ke duguomōu, haba dugube, o Elaijabōu Mosesbōu dilie tama degemōu, Yesubōu de ta kolo imōu dugulo i.

⁵ Pitaha ke duguomōu, Yesukōu tobou, Tisa Hiye, di kōu le tofolōu be bolō. Ei moso dihifei kamadia kege kōu le togolo. Tabe ne moso, tabe Mosesha moso, tabe Elaijaha mosoyodei.

6 Pitaha totou dege mou nou kege tobou, dia gue hiyedo degei kaha degemou.

7 Dalaguali dugu, mabi ta migile, dia olou fei gogu. Mabi timi kilege ta uwo ta kou gue tobou mou du, koume ma Dihi. Age eme tagadido. Ni e ta dumabeedemou du.

8 Kelegenou masele iligi dugube, Yesu enou diabou tafalamou dugulo i. O tabou tafalamou dugulo ili mei.

9 Kegemou, bitou ke tou fogou muguolugi, Yesuha diamokou neledo dege kou gue tobou, ni dugu keme omokou hobou ta tobou dama. Dalali, O Kedia Dihi e tolo ileba, widai tou fogou haguagiba, ise kelege kuhe tobou mabeedei.

10 Dia ta ke tama dege tobou li mei, diounou tuguga tobolou i, widai tou fogou haguama ileyodei kaha sibigebe kage?

11 Kegemou, dia Yesukou yodulo i, kageimou Mosesha kuolou yo du o kediage Elaijabe ebukou haguayede tobolou iya?

12 Yesuha tobou, damaledo, Elaijabe ebukou kou haguaba, bi olou fei doususuloye, kenou si kageimou Godiha kuguokou kou gue tobou, O Kedia Dihi eme do hiyedo duguba, oe eme kasagai бага ileyodei?

13 Kenou si a nimokou tobolou kuhe, Elaijabe ebukou kou haguei. Hagumou, o kediage emokou dio u die fiye tawagai sagai kenou degele i. Godiha kuguokou kou nalai sagai kenou

tefele degele iyode tobou.

Yesuha o dihi ta duo kasagaiye tou ke bologuomou bolō degei

(Matyu 17:14-21; Luk 9:37-43)

¹⁴ Yesubou e dabai degedi o kamadia kegebou dia bohoulou ma mugua, yogo diamokou geleguomou dugube, o sasai sudo dia silema dalaguamou, Mosesha kuolou yo du o kedia diamokou ta biya imou dugu.

¹⁵ O sasai kedia Yesu hagumou duguomou kesigiemou, totodo emokou fokua yamou, habi bolofeyode tobolou i.

¹⁶ Yesuha e dabai degedi o kediamokou yodu, ni o kediabou de kei tobolou mou biya iya?

¹⁷ O ta, o sasai duo kile delei kaha tobou, Tisa, a ma o dihi, duo kasagaiye tou, ta mei degei ke namokou mala haguei.

¹⁸ Duo kasagai kaha dihi ke hiligedo tolou mou be, mihikou hebele mugudi. Mogouya tuo feledi. Me tiligama, e tou ne dalalema. A ne dabai degedi o kedia duo kasagai ke igile muguyedeiye, ha dia ta igile mugulo sagai meiyode tobolou i.

¹⁹ Yesuha ta ke dulomou tobou, ifi kou bou gedo o sasai nime ta damaleyodele iyo mei. A nibou de hiyedo dalalebe dafa. A ni tou fogou lamou degeliye, kenou si dihi keme amokou mala haguamabeedei.

²⁰ O kedia dihi ke emokou mala haguasieimou, duo kasagai kaha Yesu duguomou, kelegenou

dihi ke fīfigimōu, mihikōu fīyamōu, kakolo tilali, mogouya tuo felei.

²¹ Kegeimōu, dihi kaha e ayekōu Yesuha yodu, sawisieī olōu fei kage kege degediya? E ayeha tobou, dihi huyadefei kelege yomogōu hagulugi, ifine kegenōu dala kuheyode tobou.

²² Duo kasagaiye dihi koū doulukōu bōu talekōu bōu hebele muguomōu be, dolo wolamōu degedi. Na eimokōu solōu do dege dihi de bologuale?

²³ Yesuha yodu, na kageimōu dihi de bologuale de yoduya? O koyoha damaleyodebasi, olōu fei keme e sasale degeleyode tobou.

²⁴ Kelegenōu, dihi kaha e ayeha hiligedo tobou, ame kōu damaleyodeiye, kenōu si ma damaleyodeibe huyadefeinōu. Na a dogōu guyede tobou.

²⁵ Dihi kaha e ayeha kege tobōu mōu, Yesuha dugube, o sasai sudo fokua haguasieimōu dugomōu, duo kasagai kokōu gofoū dege tobou, duo kasagai name ta mei, kihiyōu tefegai, na dihi koū tōu fogōu fogōu i. Haba ta hagua tōu dayede tobou.

²⁶ Duo kasagai kaha ta digio degema, dihi ke hiligedo tolōu fīfigima tōu fogōu fogōu imōu, dihi keme tei sagai tilamōu o kedia tolo iyade tawale i.

²⁷ Kenōu si Yesuha dihi kaha dobogoū tolōu haguagimōu, e hagua tofou.

²⁸ Kegemōu, Yesuha ile mosokōu foloumōu,

e dabai degedi o kediamōu dalaguali, eige duo kasagai ke igile mugulobe kagei kaha hagi degei? de yodulo i.

²⁹ E tobou, di diho baga tobou di kahanou si, duo kasagai kegei ke igile mugulo. Abe ta dala meiyode tobou.

Yesuha haba tage eme tolo ileba, hagua gehe degeleyodei

(Matyu 17:22-23; Luk 9:43-45)

³⁰ Yesubou dia sa ke tou fogou ya, sa Galili duo kileya sulugualibe, Yesuha o tae eme kele suludade tawalebe ta tagali mei.

³¹ Yobe, ege e dabai degedi o kediamokou hehegiei. Kou gue hehegie tobou, O Kedia Dihibe oe ho o kediamokou seseguba, wouba tolo ile, haba sawisie kamadia kege mei degeiba hagua gehe degeleyode tobou.

³² Kenou si ta kaha sibigebe dia ta tawale ili mei. Dia gue degeimou, ta kaha sibige emokou ta yodulo ili mei.

O koyobe hiye o?

(Matyu 18:1-5; Luk 9:46-48)

³³ Kegemou, Yesubou dia sa Kaperneamkou ile fologai. Mosokou fologamou, Yesuha e dabai degedi o kediamokou yodu, di haguasiligi, alikou gebe nime kej ta tobolou ilou?

³⁴ Kenou si dia ta tobou li mei. Yobe, alikou ge dio usie o koyobe hiye o degele domou kaha ta tobolou mou tae biya i kaha degemou.

³⁵ E duwoli, e dabal degedi o olou fei 12 kege kedia haguismou, dia haguasieimou tobou, o koyoha hiye o degelababe, eme mabou o sagai dege dalali, o olou fei kedia dogou gu dabal degeyede tobou.

³⁶ E kege tobou ma, dihi huyadefei ta mala, o timidu tefegi. Tefegiemou, dihi ke hebele tolou mou, diamokou tobou,

³⁷ o koyoha amokou damaleyodemaba, ma huya ke dihi huyadefei koku sagai ta dogou gubabe, abou de dogou gulu. O koyoha a dogou gubabe, anou dogou guyo mei, ma Aye a tobou mou haguei, ebou dene dogou gulu kehoyede tobou.

*O dimokou ho degeiyo mei keme di mogodo
(Luk 9:49-50)*

³⁸ Jonha Yesukou kou gue tobou, Tisa, ei dugube, o taha ne huya ke duo kasagaiye tolou i ke igisemou sumou dugulo i. Kenou si o keme dibou siadiyo mei kaha, ei e akogulo iyode tobou.

³⁹ Yesuha tobou, nige hobou akogudama. O koyoha ma huya ke midihogehe gehe milou babe, ege amokou be toto ta kasagai dege ta tobolou sagai mei.

⁴⁰ O dimokou ho degeiyo mei keme di mogodo.

⁴¹ A nimokou damaledo tobolou kuhe. O koyoha nime Kelesuha odade tawaleba, ma huya ke nimokou huei dou ma neibabe, o keme hebe bolofei ke moloou.

Midihō kasagai kahage damaleyodei ke makodi

(Matyu 18:6-9; Luk 17:1-2)

⁴² Yesuhā haba tobou, o tahā degeiye, dihi damaleyodei koŋu sagai tae midihō kasagai milōu babe, o keme oye igi hiyedo ta, e gabagikōu tigama, talekōu hebele muguba tolobe bolofei. Keme hebe hiye mei. Hebe Godihā nelebe hiyedo folodo.

⁴³⁻⁴⁴ Ne dobogoŋu kahā nā wolōu ile midihō kasagai ta milōu babe, nā ne dobogoŋu ke diafolōu hebele filā. Kegema, nā fi gehe ke moŋubasi, nā dobogoŋu tanōu feibe bolō, tabōu mei. Nā dobogoŋu bolōu dalali, dou mei degediyo mei kokōu iye.

⁴⁵⁻⁴⁶ Ne abogoŋu kahā nā wolōu ile midihō kasagai ta milōu babe, nā ne abogoŋu ke diafolōu hebele filā. Kegema, nā fi gehe ke moŋubasi, nā abogoŋu tanōu feibe bolō, tabōu mei. Nā abogoŋu bolōu dalali, dou sakōu hebele muguye.

⁴⁷ Ne dihō kahā nā wolōu ile midihō kasagai ta milōu babe, ne dihō ke tele filā. Kegema, nā Godihā wolōu dalale sa kokōu foloubasi, nā dihō tanōu feibe bolō, tabōu mei. Nā dihō bolōu kege dalali, dou sakōu hebele muguye.

⁴⁸ Dou sa kokōu be

Seyene o tōu nalā idi keme ta mei degele mei.
 Douyene nalā dalale, kenōu si ta mei degele mei.

Aisaia 66:24

49 Gali sole dogogubabe tabale mei, nebe kenou tefei, one doulukou muguba, sibigi olou fei mei degeleyode tobou.*

50 Solebe bolodo, kenou si sebe mei degeibabe, kage degeiye haba sebe degele? Nime sole sebe dugudi sagai kegenou dalaguali, mogo dege dalaguamabeede tobou.

10

*Yesuha obe sobou hulomou hiyafogou di kaha ta ke tobou
(Matyu 19:1-12; Luk 16:18)*

1 Yesuha sa ke tou fogou, sa Judiakou ile folomou, to Jordan ilobou i. Kelegene o sasai sudo emokou haguasiemou kefegulo i. Kefegumou, e Godiha ta kou hehegiedi sagai kegenou hehegiei.

2 Kegemou, Farisi o ilo kedia Yesukou haguasiei, e tefele dugulamou, emokou yodu, di kuolou maiyege obe sobou huloba haba de hiyafogolou nou?

3 Moseshage nimokou kuolou be kage dogogulou? de yodu.

4 O kedia tobolou i, Moseshage oe kuguo nalama sobou kokou neleba kuhe hiyafogolou be tabou meiyodeiyode tobolou i.

* 9:49 9:49 Na Wok Pris 2:13 dugu.

5 Kenōu si Yesuhā tobou, nī fībe hiligido dalagua kahā degemōu, Moseshā egei kē kuhe nalāmamōu n̄imokōu neiyode tobou.

6 Moseshā kē nalalī mei kelege, yomogou kelegebe, bi olōu fēi milōu gai o kahage,

Obōu sasaibōu de milōu gai. *Stat 1:27*

7 Kegei kahā degemōu, obe ē aye ē adiōu tōu fogōu ile, ē sasaibōu de dogōu gubabe,

8 dilie tōu be tanōu fēi dege dalale. *Stat 2:24*

Diliebe boloū mei, diliebe tanōu fēido degei.

9 Kegei kahā degemōu, Godihā tigama fogou keme o tae ta kusiadayede tobou.

10 Kegemōu, Yesuhā ē dabai degedi o kedīabōu de mosokōu fologamōu, diā emokōu sobōu hiyafogōu di kē haba yodulo i.

11 Ē tobou, o koyohā ē sobōu hiyafogōu ba, haba sobōu ta hubabe, o keme sasaī ebukōu hu kē makoulu. Midihō kege degeli keme sasaī hiyou mōūdi midihō.

12 Sasaī tahā ē mā hiyafogōu ile, o ta hubane, eme o hiyou mōūdi sasaī.

Yesuhā sisigobe emokōu haguasiemabeede tobou

(Matyu 19:13-15; Luk 18:15-17)

13 O sasaī kedīā die sisigo mōūma, Yesuhā kugugueyadomōu haguasiei. Kenōu si ē dabai degedi o kedīā kē duguomōu gofōū dege toboloū i.

14 Yesuha ke duguomou be, hoho degeli mei, hagi degemou, e dabai degedi o kediamokou tobou, nige sisigo kediamme hobou akogudama. Tou fogou ba, dioou amokou haguamabeedei. O sasai kediamme sisigo kenou tefeimou be, Godiha dia wolou dalayode tobou.

15 A nimokou damaledo tobolou kuhe. O koyo na Godiha wolou dalale sa kokou be dihi huyadefei бага folo ho fogou babe, na ta folo meiyode tobou.

16 Kege tobou mamou, sisigo kedia kefegu tolou mou, die widiletou dobogou do-goguemou, Godiha diamokou midihog bolofei ke hehegieyadomou yodu.

*Bibou o kaha Yesubou de ta kei
(Matyu 19:16-30; Luk 18:18-30)*

17 Yesu e tou fogou fogou ilamou degeligi dugube, o ta emokou fokua haguamou, yubu sugulo fiamou duwoli yodu, Tisa bolofeido, ame kage degeibasi, fi tofousogo tofolou ke moloou?

18 Yesuha sima tobou, na amokou kageimou bolofeyodeiya? O olou feibe bolog ta dala mei, Godi enou si bolodo.

19 Na Godiha kuolou olou fei ke kou tawale hobogou.

O hobou woda.

Sasai hiyou degeda.

Hiyou hobou moouda.

Gulokou tobolou ba hobou ta sada.

Ogou gama o bi hiyou hobou moouda.

Aye adiou diliemokou be midihou bolofei kenou hehegieyedei. *Kisim Bek 20:12-16*

²⁰ O kaha emokou tobou, Tisa, ame kuolou maji olou fei ke dihifei kelege dulo sesegamou hagulugi, ifine kuheyode tobou.

²¹ Yesuha o kokou maselemou solou do degemou tobou, tanou fei ta na degeli mei dala. Na ile, ne bimaji olou fei ke tiga, sele mooumaba, bi mei o kediamokou fimou i. Na kege degeibasi, ne bi hebenitou dala ke na moloou. Kege degema, ma habage seseyede tobou.

²² O kaha ta ke dulomou, fi kogou, hagi degemou fogou i, e bimaji hiyedo dala kaha degemou.

²³ Kegeimou, Yesuha e dabai degedi o kediamokou maselemou tobou, bibou oyege Godiha wolou daladi sa kokou ile folobe hagi hiyedo.

²⁴ E dabai degedi o kedia ta ke dulomou kesigile i. Kenou si Yesuha haba tobou, mogo diama, Godiha wolou daladi sa kokou ile folobe hagi hiyedo.

²⁵ Wai kamelyege yukuei gofou di aye aya keme folo sagai mei, hagi hiyedo. Kenou tefei, selebou oe Godiha wolou daladi sa kokou folone hagi hiyedo folodo.

²⁶ Dabai degedi o kedia ta ke dulomou, bou basiado kesigiemou, dioounou tugulo tobolou i, kageibasi, o koyoha fi tofousogo tofousogo tofolou ke moloou?

²⁷ Yesuhā diamokoū maselemoū tobou, oyege ta tawaga degele sagaī mei. Godihā degelenoū si hagī ta dala meiyode tobou.

²⁸ Kegemoū, Pitahā tobou, nā du. Eibe bimaī oloū feī toū fogoū moū, nā sesele yolu kuheyode tobou.

²⁹ Yesuhā tobou, ā nimokoū damaledo toboloū kuhē. O koyohā amokoū damaleyodema, tā uwo bolofeī kē dulo seselaba, ē mosō toū fogoū babe, o kemē moū duwolo mei. Haba, eyē malā, owoū bobasi, adioū aye, dihi, hebe haī oloū feī kenē toū fogoū babe,

³⁰ o kahagē ē molōube, haba 100 kege molōu. Sa koū le tafalaba, bi Godihā emokoū nelebe, bi ē afu mōudi kemē gabale. Ē mosō, eyē malā, owoū bobasi, adioū, dihi, hebe haī oloū feī kegele i kē sudo molōu. Haba tabe, o ilo kelege ē makolaba degele ile. Habagesi, sawisiē ta, ē fī tofousogo tofousogo tofoloū kē molōu.

³¹ Kenoū si o sudo, ifi amulō yolu kedianē habagekoū do yale. Ifi habagekoū do dalagua kedianē amulō yale.

Yesuhā uwagedo, ame tolo ileba, haba haguā gehē degeleyodei

(Matyu 20:17-19; Luk 18:31-34)

³² Yesuboū diā sa Jerusalemkoū yadi aba kē yolugi, Yesu amulō imoū, ē dabai degedi o kediā fimaī hiyedo degele i. O sasaī die habage yolu kedianē guē degele i. Yolugi, ē dabai degedi o oloū feī 12 kege kediamokoū haguamabeede

tobou mamou, diounou kefeguo dalamou, e youmakou tama degeladi ke diamokou haba hehegie tobou.

³³ Ni duma, di ifi sa Jerusalemkou ile fologaba, o taha O Kedia Dihi e mogou du dalaguadi hiye obou, Mosesha kuolou yo dulo i obou kediamokou seseguba, ta sama wouba, tolo iley-odemaba, sa ta o kediamokou sesegulo ile.

³⁴ Seseguba, diage emokou susuga tobolou yilo ima, koso hesema, tigi dofou ye woma, dodo wala iba tolo ile. Sawisiei kamadia kege mei degeiba, e hagua gehe degeleyode tobou.

*Jemsbou Jonbou dilie hiye o degelamou degele
i
(Matyu 20:20-28)*

³⁵ Kegemou, Sebediha dihi bolou dilie hube Jemsbou Jonbou dilie Yesukou ya tobou, Tisa, na ele kou degelamou degeli keme namokou yoduba, na bolyode tobou yede tobolou i.

³⁶ Yesuha diliemokou yodu, nelege a nelemokou kei degeyedeiya?

³⁷ Dilie kou gue tobolou i, na ne hoho kokou hiye o degeba dalaba, sawisiei kahage ele ta ne dobogou delekou duwoba, haba tabe ne dobogou fofoukou duwoba dele sagai degeliyode tobolou i.

³⁸ Kenou si Yesuha diliemokou sima tobou, nele amokou kou yodulu kaha sibigebe nolou ge

defei ta tawaiyo mei. Nele a seseibabe, dobowu hagibowu a dugulo keme nelene de dugulo ile?*

³⁹ Ele ke sasale dugulonou yode tobolou i.

E haba tobou, nelebe do a dugulo sagai kenou tefele kou duguloye. Hagi a dugulo sagai keme nelene dugulo ile.

⁴⁰ Kenou si o koyobe ma dobogou delekou duwoba, fofoukoku duwoba dele keme a ta makale sagai mei. Duwodi bolou keme Godiha o bolou ta you e tagaiya ke makamai dalayode tobou.

⁴¹ Kegemou, dabai degedi o ilo 10 kege kedia ta ke dulomou, dia Jemsbou Jonbou diliemokou gofou degele i.

⁴² Gofou degele imou, Yesuha dia haguismou, emokou haguasieimou kou gue tobou, ni olou fei kou tewe, sa ilo kelegebe die hiye o kedia o sasai wou ma dalaguadibe, dabai olou feibe taye fougou degele idi. Die hubou o kediage o sasai kediamokou hagi nelemou, die tanou sesegamabeede tobolou idi.

⁴³ Midiho kegei keme ni degedama. Ni o koyoha hiye o degelababe, o ke name o ilo kedia dabai degedi o degedede tobou.

⁴⁴ Damaledo, ni o taha hubou o degelababe, o ke name o sasai olou fei kedia fisimou dabai degedi o sagai dege dalayedei.

* **10:38 10:38** Grik tae 'kope' bou 'fafeleya' bou de nalai kaha sibigebe *dobou hagibou hiyedo dugulo*.

45 Yobe, O Kediā Dihi ẹ hagueine, o taha ẹ dogōu guyadomōu hagueli mei. Ẹ hagueibe, ẹ o sasai dogōu gulamōu haguei. Ẹ yoṽunōu tolo ileba, o sasai sūdo mamōu lamōu kuhe hagueiyode tobou.

Yesuha diho du degei o ta bologuomōu bolo degei

(Matyu 20:29-34; Luk 18:35-43)

46 Yesubōu diā ya, sa Jerikokōu fologai. Sa ke tōu fogōu youmōu, o sasai sūdo diabōu de yai. O ta, ẹ hube Bartimeus, ẹme o Timeusha dihi, ẹ a fekōu duwei. Ẹme diho du degei, o sasai kediamokōu sele hawaga duwodi.

47 Ẹ sa Nasaret o Yesube haguluyodeimōu dulomōu, neledo dege hagnosisai, Yesu, Devitha hutu, na a solou do degeyede tobou.

48 O sūdo gofoṽu degemōu, emokōu na tadayede tobolou i. Kenou si ẹ haba hagnosisama, hiligedo tobou, name Devitha hutu, na a solou do degeyedei.

49 Yesuha iligi ali duo kele tofolou, o sasai kediamokōu diho du degei o ke haguayede tobou mabeedeimōu, diā hagnosisamōu tobolou i, na gue degeda. Hagua, Yesuha na haguayede tobolou yodele i.

50 Ẹ ta ke dulomōu, ẹ yukuei sasado ke dile fila, totodo haguama Yesukou i.

⁵¹ Geleguomōu, Yesuha emokōu yodu, n̄ame a namokōu kei degele ke tagaiya? Tisa Hiye, ame ma diho bolō degele sagai degeliyode tobou.

⁵² Yesuha tobou, na i. Ne damaleyodei kahanōu ne diho ke bologuomōu bolō degeli kuheyode tobōu mōu, kelegenōu e diho bolōdo degeimōu, Yesu diliōu fa aba yai.

Yesu e do hiyedo duguomōu, tolo ilemōu hagua gehe degei

(Ta Hiye 11-16)

11

Yesuha sa Jerusalemkōu feleibe, gamani hiye onōu tefele felei

(Matyu 21:1-11; Luk 19:28-40; Jon 12:12-19)

¹ Yesubōu dia yolugi, sa Jerusalem hafei degeimōu, bitōu Oliv kokōu ge sa Betfagebōu, sa Betanibōu kokōu fologai. Fologamōu, e dabai degedi o bolōu ta kediliemokōu tobou,

² nele sa di dugulu kokōu imabeedei. Nele ya fologaba dugu, wai dōki wili ta obe bagagie fogou tafalaba dugulo. O tae wai dōki kaha tagetōu ta biyeli mei. Wai dōki ke fiyolōu ba wolōu haguama.

³ O tae nelemokōu kagelamōu degeiya? de yodubabe, nele Hiye Ohā dabai degele dalayodema. Mei degeba, totodo boholōu ma wolōu hagualeyode tobōu mabeede tobou.

4 Kege tobou mou, dilie ya fologamou dugube, wai doki wili ta alikou tafalamou dugu. Obe wai doki ke moso taha adikou bagagie fogou tafalamou dugu. O bolou kedilie doki ke fiyou mou,

5 o hafei kele tafalagua kedia diliemokou yodulo i, nele kagelamou wai doki bagagi kou fiyou ya?

6 Dilie Yesuha kou tobou sagai kenou tefele tobou mou, o kedia boloyodeimou, dilie doki ke wolou haguasiei.

7 Doki wolou haguasie, Yesukou felegamou, dilie yukuei sasado ke digima, wai doki tagetou dogogumou, Yesu e kotou folo biyei.

8 Wai doki tageya imou, o sudo die yukuei sasado digima, aba ke mamou yai. O ilo kele hebe haimikou yamou, hebe go diafigima haguasiemou, aba ke mamou yai.

9 O ilo kele Yesuha ile amulo aliya yolubou, habageya haguasilibou kedia olou feido hiligedo kou gue tobolou i,

Di hohobou me.

Hiye Oha huya ke hagulu o keme Godiha dogou guedeibasi. *Buk Song 118:26*

10 Godiha dogou guyenou Devitha huti o koumah di wolou dalalamou hagulu kuhe.

Di Godikou hohobolou ba, e hu hebele fogume.

11 Kegemōu, Yesuha iligi, sa Jerusalemkōu folomōu ile, Godiha mosokōu folomōu, bi olōu fei defeido taye dugulo hobogou. Ile, e dabal degedi o olōu fei 12 kege kedibōu de sa Betanikōu fogōu yai, aso mulu kaha degemōu.

*Yesuha hebe kiyou ke kolo madayede tobou
(Matyu 21:18-19)*

12 Sabiyomōu, Yesubōu dia sa Betani tōu fogōu mōu yolugi, Yesu e hegie degei.

13 Yolugi, e hebe kiyou ta guo hiyedo ahu dege tafalamōu dugu. Ile, kiyou yelekōu ge kiyou kolo ta de dala domōu defeido dugube, kiyou keme kolo ta mali mei. Guoyenōu dalaguamōu dugu. Yobe, kiyou kolo a mei kaha degeimōu.

14 Mōu dalamōu duguomōu, ege hebe kiyou kokōu kōu gue tobou, kegeligi kolo ta haba mōuba, obe ta najye. E dabal degedi o kedia e kege tobōu mōu dulo i.

*O kedia Godiha moso kekaimidu makisi degele imōu, Yesuha folo igisei
(Matyu 21:12-17; Luk 19:45-48; Jon 2:13-22)*

15 Yesubōu dia sa Jerusalemkōu bohōu ma ya fologamōu, e Godiha moso kekaimidu folomōu dugube, o kedia makisi degele imōu duguomōu igiseimōu fogōu yai. Sele tiga mojudi o kedia fafai kene e biligisei. Sio kulu obōu kedia duwoguadi kene biligisei.

16 Godiha moso kekaimidube, bi ta mojuma felegadamabeede tobolōu mōu akogu.

17 Kegei degemōu, e o kediamokōu hehegie tobou, Godihā kuguokōu be Ma mosobe sa sa o olōu fei kedia diho baga tobolōu idi mosoyode *Aisaia 56:7* nalaj dala.

Kenōu si ni degeiye, Ma mosobe hiyou mojudi o kedia womogōu di moso sagai degeli. *Jeremaia 7:11*

18 Kegemōu, Yesuhā Godihā moso kekaimidu tobolōu tafalamōu, mogōu du dalaguadi hiye obōu, Mosesah kuolōu yo dulo i obōu kedia ta uwo ke dulomōu, Yesube kage wouba tolo domōu tugulo tobolōu i. Yobe, hiye o kedia emokōu guē degeimōu, o sasai olōu fei e ta ke dulomōu kesigile idi kahā degeimōu.

19 Habi degeimōu, Yesubōu dia sa Jerusalem tōu fogōu mōu yai.

O tahā damaleyodemaba, diho baga tobōu babe, e yodulu sagai keme moloju
(Matyu 21:20-22)

20 Sabiyomōu, Yesubōu dia aba yolugi, hebe kiyou keme fafagale fiyei dugu. Guobōu tefebōu olōu feido kege fafagale fiyei.

21 Pitahā duguomōu, Yesuhā i degei ke tawalemōu tobou, Tisa Hiye, na dugu. Hebe kiyou, i na kolo haba ta madayedei kōu fafagale fiyei kuheyode tobou.

22 Yesuhā sima tobou, ni Godikōu damaleyodemabeedei.

²³ A n̄imokōu damaledo tobolōu kuhe. O koyoha bitou kuokou, na hagua, talekou fogu fiyayedema, fimai boloubou mei, e tobolou sagai keme damaledo degeledade tawaibabe, e tobolou keme tama degeiba dugulo.

²⁴ Kegei degemou, a n̄imokōu tobolōu kuhe. Ni Godikou bi ta molo uyodemaba, damaledo molo udade tawaleba diho baga tobou babe, bi keme molo uyode tobou.

²⁵⁻²⁶ Kegemou, Yesuha haba tobou, ni hagua, diho baga tobou lababe, ni o takou hagi degei ta dalababe, ke gebe meiyodemaba kuhe diho baga tobou ma. Kegeibasi, ni Aye hebenitou duwo, ege midihō kasagai ni milou ga i ke gebe meiyodele.

Hiye o kedia Yesukou, name o koyoha huya ke dabai degediya? de yodulo i

(Matyu 21:23-27; Luk 20:1-8)

²⁷ Kegemou, Yesubou dia sa Jerusalemkou haba ya fologamou, e Godiha moso kekaimidu folo siei. Sumou, mogou du dalaguadi hiye obou, Mosesha kuolou yo dulo i obou, odo odobou kedia haguasiemou,

²⁸ emokou yodulo i, name dabai koume koyoha huya ke degediya? Name o koyoha tobou mou, dabai kou kuhe degediya?

²⁹ E o kediakomou tobou, ane nimokou ta ta yodulamou. Ni amokou doudo dege tobou basi, ane nimokou o a tobou mou dabai degeli keme tobolou.

³⁰ Jonhā fafeleya degedibe o kediā dabai? Ha hebenihā dabai? Nī amokōu tobōu mabeede tobou.

³¹ Kegemōu, hiye o kediā dioꞑunōu tugulo tobolōu i, di hebenihā biyode tobōu babe, ege nī Jonhā tobōu di keme kagemōu damaleyodili mei de yoduye.

³² Haba di obenōu tawaga degediyode tobōu bane, di tā kege tobolōu ne bolō meiyodele i. Hiye o kediā o sasai kediāmokōu gue degemōu kege kōu tobolōu i. Yobe o sasai olōu fei kediage Jonbe habage-degele-duguo-tobōu di-odade tawale i kaha degemōu.

³³ Kegeimōu, o kediā Yesukōu ei ta tewe meiyode tobolōu i. Yesuhane tobou, ane o koyoha a tobōu mōu dabai koꞑu dege haguei keme a nīmokōu ta tobolōu meiyodei.

12

Tā makaiḃe midihō kasagai milōu ga idi o kediā hebe hai dia dalaguadi kokōu mā tobou (Matyu 21:33-46; Luk 20:9-19)

¹ Kegemōu, Yesuhā Juda hiye o kediāmokōu tā makainōu kōu gue yoma tobōu mōu i, o tahā e hebe haimikōu hebe hou sogogama kekai. Kekama mei degeimōu, mihi dama, dugule bologuai, dabai degedi o ilo kediā hebe kolo kodu sama, tofōu tofolōu gagima, tigi kolo huei gofoꞑudo ke kuhe milōu gamabadomōu. Mihi

dama mei degeimōu, o kaha mosone togoma tagetōu haba fogolo tegei. Hiyōu moye domōu dia daladi o keme kotōu tafalayadomōu. Dabai olōu fei mei degeimōu, hebe hai obōu kaha o ilo kediamokōu e hebe hai ke heliofei nelemōu, makisi degemabeede tobou. E hebe kolo ilo kelebe e biyode tobōu ma, sa ahudo kuhe fogōu i.

² Habage, hebe kolo ke suwi degeimōu, hebe hai obōu kaha ahudo dalali, e dabai o ta ile, hebe kolo ilo kele gama haguayede tobou.

³ Kenōu si hebe hai dabai degele idi o kediage dabai o ke hagua feleimōu duguomōu, dia e tolōu mā womamōu, name mōu fogōu iyede tobolōu i.

⁴ Kegeimōu, haba hebe hai obōu kaha e dabai o ta tobōu mōu imōu, dia o kene tolōu mā, widiokōu woma, bōu basiado makoma fogōu mōu, o kene fogōu i.

⁵ Kegei degemōu, hebe hai obōu kaha haba e dabai o ta tobōu mōu i. Hebe haimikōu foloumōu, dia o ke dolodo woumōu tolo i. Kegeimōu, hebe hai obōu kaha haba e dabai o sūdo tobōu mōu tanōu tanōu yai. Kenōu si hebe haimikōu fologoumōu, hebe hai dabai degele idi o kedia ilo kele woma tōu fofōu gueimōu fogōu yai, haba ilo kelebe woumōu tofigile i.

⁶ O tanōu do ta delei, keme hebe hai obōu kaha yo□u e dihido, yo□u hohō degedido. Kenōu si uwagedo, e dihi kene tobōu mōu hebe haimikōu i. E ayeha yo□usie tobou, dia mā dihiha tasi dulo

ileyodei.

⁷ Dihi ke ile foloumōu, hebe hai dabai degele idi o kedia e duguomōu, dio unōu tugulo tobolōu i, o ko ume, e aye toubabe, e ayeha bi olōu feibe e molo u. Kegei degemōu, di dihi ko une wouba tolo iba, hebe hai ko u di mo umebeede tobolōu i.

⁸ Dia kege tobou ma, dihi ke tolou ma walamamōu, hebe hai hagulekōu hebele fileiyode tobou.

⁹ Kegemōu, Yesuha haba yodu, hebe hai obou kahage kagele? E ile, o hebe hai dabai degele ili kedia wouba tofigieiba, e hebe hai ke o ilo kediamokōu neleyode tobou.

¹⁰ Yesuha haba tobou, ta Godiha kuguokōu nalai dala keme nige huso uma tawale ili mei? Ta keme kuhe,

Mouti, moso togodi o kedia dugube kasagai degeimōu kou igile filei keme e haba meleya mouti fogou.

¹¹ Hiye Ohā degeiyenōu bolō degei dala kuhe. Ei dugulube, keme bolofeido, di tawaga tobolōu sagai mei. *Buk Song 118:22-23*

¹² Kegemōu, hiye o kedia Yesuha ta makai keme diamokōu nou tobolōu dade tawalemōu, Yesube tolou ma ta salamōu kou degeiye, kenou si degeli mei, dia o sasai kediamokōu gue degemōu, mou fogou yai.

Obege gamani hiye o Sisarkou be gamani sibidi sele de nele, haba nele sagai mei?

(Matyu 22:15-22; Luk 20:20-26)

¹³ Hiye o kedia Yesuha tobou gai ke tefele dugulamou ta saleyodemamou degele iligi, Farisi o ilobou, Herotha dabai degele idi o ilobou kedia tobou mou yai.

¹⁴ Dia Yesukou fologamou tobolou i, Tisa, ei kou tewe, name damaledo ta tobou di o. Na omokou ta gue degediyo mei. Na tobou dibe, o hu dalabou, o hu meibou kediamokou ta tanou feinou tobou di. Na Godiha midihog hehegiedibe, damaledo kenou hehegiedi. Ei yodu ta huyadefei ta dala. Dige sibidi sele kefema, gamani hiye o Sisarkou de nele, ha nele sagai mei?

¹⁵ Kegemou, Yesuhage o kedia taenou tobolou dade tawalemou, e diamokou tobou, ni kageimou a tefele dugulo iya? Sele dio ta mala haguama. A dugulo.

¹⁶ Dia sele dio ta mala hagumou, e diamokou yodu, figisa koubou, hu koubou debe koyohale? Diage Sisarhaleyodele i.

¹⁷ Kegemou, Yesuha diamokou tobou, Sisarha bi debabe, Sisarkou nema. Godiha bi debabe, Godikou nemabeedei. Dia e ta ke dulomou kesigile i.

Sadyusi o kedia Yesukou obe tolomou haguagehe degele idi ke yodulo i

(Matyu 22:23-33; Luk 20:27-40)

18 Kegemōu, Sadyusi o kedia Yesukōu yai. Diage o tofigieibe hagua gehe degele ile meiyode tobolou idi. Dia ya fologamou, Yesukou kou gue yodulo i,

19 Tisa, Mosesha dimokou ta ta kou gue nalai, o taha sobou huloba dihi ta degeli mei toubabe, e sosou mei degeiye deba, haba e malaha kuei sasai ke huloba dihi degeibabe, dihi keme e eyeha dihi degele.*

20 Afudo, o eye mala dei olou feibe dioyosi kege. Wolo kaha sobou huye, dihi degeli mei tolo i.

21 Tolo imou, ha e malahane sobou kenou hu. Kene tolo i, dihi degeli mei. Ha e mala tahane nebe kenou tefei.

22 Kenou tefele kegega iligi olou fei dioyosi kege tofigiema mei degei. Dihi ta degeli mei. Uwagedo sobou kene tolo i.

23 Habage, o tofigile i kedia hagua iba, sobou kene haguobabe, sasai keme o koyoha sasai? O dioyosi kege kedia sobou ke kou humou iyode tobolou i.

24 Kegemou, Yesuha sima tobou, Godiha kuguokou nalagai dala keme ni ta tawale iyo mei. Godiha nelene ni ta tawale iyo mei. Kegei kaha degemou, ni ta gulai dege tobolou ili kuhe.

25 O tofigiei kediamе hagua gehe degemababe, sobou hulo mei, mou kege tofolou, hebeni esol o sagai degele ileyode tobou.

26 Kenou si o tofigiei kediamе hagua gehe

* 12:19 12:19 Lo 25:5

degele ileyodili keme, Mosesha kuguokou kou
 gue nalai dala kome ni husouuma tawale ili
 mei? Mosesha hebe ta douye noumou masele
 tafalamou, Godiha emokou tobou,
 Ame Abrahamha Godi, Aisakha Godi, Jekopha
 Godi.* *Kisim Bek 3:6*
 27 Eme tofigiei o kedia Godi mei. Godibe o gehe
 dalagua kedia die Godi. Ta ni ke tobolou be
 gulaidoyode tobou.

Godiha ta hiyedo folodo
(Matyu 22:34-40; Luk 10:25-28)

28 Sadyusi o kedia Yesubou de tae biya imou,
 Mosesha kuolou yo du o taha foloumou, Yesuha
 o kedia mokou bologuado sima tobou mou du-
 lomou, Yesukou kou gue yodu, Godiha ta olou fei
 kelebe, ta sibigedobe kou?

29 Yesuha tobou, Godiha ta sibigedo keme kou
 gue,
 Israel o diama, ni defeido дума. Di Hiye O
 Godibe tanou feido.

30 Ni Hiye O Godi enou tagama. Ni solou bou ni
 duobou ni fimabou ni nelebou olou fei kegeye e
 tagamabeedei. *Lo 6:4-5*

31 Godiha ta hiye tabe kuhe,

Na no usie tagadi sagai kenou tefele, nogo
 diamokou ne kegenou tagayedei. *Wok*
Pris 19:18

* **12:26 12:26** O kediamе afu tofigile i, kenou si Godiha e dihile
 kokou be sosou dalaguayodei.

Tā taegē tā boloū keme gabale sagaī meiyode tobou.

³² Moseshā kuoloū yo du o kahā Yesukoū tobou, Tisa, nā toboloū be bolofej̄. Damaledo, Hiye O Godibe tanoū fejnoū dala. Godibe taboū mei.

³³ Di Godi enoū tagalebe, nī soloū boū nī fimajboū nī neleboū oloū feī kegeye ē tagaleba, haba di mogo diamokoū ne soloū do degelebe, di o tae yōusie soloū do degedi sagaī kenoū tefele degeibasi, midihō keme sibigē hiyedo. Midihō kahage gali doulukoū sile Godikoū nedī keme gabaiyode tobou.

³⁴ Yesuhagē kuoloū yo du o kahā bologuā toboū moū dulomoū tobou, name Godihā woloū daladi sa keme ahu dege dala meiyode tobou.

Kegemoū, o sasaī kediā tā ke dulomoū, diā emokoū guē degemoū be, haba tage ta yodulo ili mei.

Yesuhā o sasaī kediamokoū Godihā makai o Kelesube koyo? de yodu

(Matyu 22:41-46; Luk 20:41-44)

³⁵ Yesuhā Godihā mosō kekaimidu folomoū, o sasaī kediamokoū hehegiligi koū gue yodu, kadegemoū Moseshā kuoloū yo du o kediā Godihā makai o Kelesube Devithā* dihiyode toboloū iya?

³⁶ Duo Bolofejihā degeiye, Devithā koū gue tobou keme di koū tewe,

* **12:35 12:35** *Devit* ɛme Juda o sasaī kediā die koū guai hiye o.

Hiye Ohā mā Hiye Okōū kōū gue tobou, nā mā
 dobogoū delekōū duwoba ibe deba, a ne
 ho o kediā moūmaba, ne abogoū hayedu
 kefeguloyodei. *Buk Song 110:1*

³⁷ Devithānōū o Kelesube e Hiye Oyodei debabe,
 nige kageimōū o keme Devithā dihiyodele iya?

*Yesuhage kuolōū yo dulo i o kediame midihō
 kasagai milōū ga idiyodei
 (Matyu 23:1-36; Luk 11:37-54, 20:45-47)*

Yesuhā hehegie tobōū mōū be, o sasai sūdo
 dulomōū hohō degele i.

³⁸ Hehegiligi, o sasai kediamokōū kōū gue
 tobou, kuolōū yo du o kediamokōū be niōū
 tawaibōū. O kediage yukuei sasado ke kama
 suluguadibe, kefegudi sa kokōū ge oe diā duguo
 agali bolofejyodele idi ke tagale idi.

³⁹ Egei mosokōū ne fologamōū be, egei to-
 bolōū o ke hafeido dege duwogualenōū tagale
 idi, o sasai kediā diame hubōū odade tawam-
 abadomōū. Oe nalē hiyedo kefema digumōū,
 nalā idi kelegene, diame duwodi bolofeido kokōū
 duwogualenōū tagale idi.

⁴⁰ Diā kuei sobōū kediamokōū ogōū gama, die
 bimai olōū fei ke hiyou malā idi. Dihō bagā tobōū
 dine, diā taenōū sasado dege tobolōū idi. Habage
 Godihā tā sale kelegebe diame hebe kasagai
 moloūyode tobou.

*Kuei sasai tahā Godikōū tei sele dio nei
 (Luk 21:1-4)*

41 Yesuha Godiha moso kekaimidu sele sadi bokisi hafei dege duwoli dugube, o sasai sudo sele moꞑuma haguasie sa imou dugu. Selebou o kediane sele sudo sa imou dugu.

42 Kuei sasai, eme bibou mei, e tei sele dio bolounou fei ke mala hagua, sele sadi kodu sagimou dugu.

43 Yesuha ke duguomou, e dabai degedi o kedia haguismou haguasieimou tobou, a nimokou damaledo tobolou kuhe. Kuei sobou bibou mei koꞑumaha e sele neibe hiyedo. O kedia nele i ke olou fei gabai.

44 Selebou o kedia sele sa ibe, die bi hiye kou dalamou, huyadefeinou sa i. Kenou si kuei sasai koꞑume e nale moꞑudi sele uwagefei ke olou feido sagiyode tobou.

13

Yesuha Godiha moso makolo ke tobou (Matyu 24:1-2; Luk 21:5-6)

1 Yesu e Godiha moso ke tou fogou imou, e dabai degedi o taha emokou tobou, Tisa, na dugu. Na moso igi hiyedoyenou togogai* bolofeido ke dugugayede tobou.

2 Kege tobou mou, Yesuha kou gue tobou, na ifi moso hiye sudo koꞑu dugulube, habagebe igi

* **13:1 13:1** Godiha moso igi hiyedoyenou togogai - Juda o kediane moso igiyenou togolo idi. Haba tabe, sa Jerusalemkou be, Godiha moso hiye delei. Moso keme tanou fei mei, moso sudo hafei hafei dege biyomou ibe, kekai duledu delei.

tahā igi yogohā tagetōu ta tilaba dugulo mei. Obe biyolugi, mosō olōu fēj igisema mei degele ileyode tobou.

*Yesuhā hagi sūdo habage tamā degele kē tobou
(Matyu 24:3-14; Luk 21:7-19)*

³ Yesu ē bitoū Olivkōu duwoli, Godihā mosō buguli duwomōu dugumōu, Pitabōu Jemsbōu Jonbōu Andrubōu diānōu fologamōu, emokōu yodulo i,

⁴ nā tobolōu kemē koboge tamā degele? Kēj makaiye bukōu tamā degeiba, ei duguoba ise nā tobou kemē tamā degeladidade kuhe tawale ile? Nā eimokōu tobōu yede tobolōu i.

⁵ Kegemōu, Yesuhā diāmokōu tobou, niōu tawaibōu, kegeligi o tahā nī ogōu gaiye.

⁶ O sūdo haguasieba, mā huya kē ogōu ga kōu gue tobolōu ile, amē Godihā makai o. Kege ogōu ga tobolōu iba, o sasaī sūdo dulo ile.

⁷ Yesuhā haba tobou, nī biyolu uwo dubabe, guē degedama. Biyaleyodei dubane, nī hobōu ta kesigidama. Kemē kōu tamā degeleye, kenōu si uwage sawisiē kemē you.

⁸ Sa ta obiyei kahā haguasieba, sa ta o kedīabōu de biya ile. Sa ta hiye o tahā ile, sa ta hiye obōu de biyale. Haba tabe, sa sa keleya olōu fēj gigima haguale. O sasaī hegie hiyedone dugulo ile. Kē bukōu tamā degele kemē sasaīye dihi mōu lamōu do yomogōu dugudi sagaī kenōu tefēle dugulo ile.

⁹ Kelegebe n̄iōu tawaibōu. Diā n̄i die kansole kediamokōu wōu ma ile, tā salene dala. Egei mosokōu gene o ilo kele n̄i dofōu ye wala ile. N̄i amokōu damaleyodeibabe, n̄ime gamani o kediabōu, hiye o ilo kediabōu die dih̄ile kokōu tefegieba tā sa ile. Tā soubabe, n̄ige diamokōu be tā uwo bolofej̄i kenōu hehegie tobōu ma.

¹⁰ Tā uwo bolofej̄i kē oe sa sa o sasaj̄i olōu fej̄i kediamokōu tobōu ba tefele dulo mei degeibabe, uwage sawisieie kuhe tamā degele.

¹¹ Oe n̄i tā soubabe, n̄i hobōu guē degedama. Tā n̄i tobolōu be f̄i hiyedo maḍama. Godih̄a n̄imokōu tobōu ba duloba n̄i kenōu tobolōu ile. Keme n̄iōu nōu tawaga tobolōu ile mei. Duo Bolofej̄ih̄a tobōu ba, n̄i kenōu kuhe tobolōu ile.

¹² Kegeba, ē eyeh̄a ē malā tā sama wouba toloyode tobolōu . Haba aye diāne die sisigo diamokōu ne nebe kenōu tefele degele ile. Sisigoyene aye adiōu diamokōu dafaba, wouba tofigiemabeede tobolōu ile.

¹³ O olōu fej̄i kediage n̄ime dafa ile, yobe n̄i amokōu damaleyodei kah̄a degemōu. Kenōu si o koyoh̄a nelēdo dege dalababe, uwage sawisieie kelegebe Godih̄age o keme mamolo□u.

Midiho kasagai milou gadi kaha bi ta tama degele

(Matyu 24:15-28; Luk 21:20-24)

¹⁴ Yesuh̄a haba kōu gue tobou, n̄ige midiho kasagai milōu gadi kaha bi ta Godih̄a kuolōu

moso kodu o tae dogogu dalaba dugulo ile.* O koŋu husoloŋu nage defeido fimama tawayedei. Bi ke dugubabe, sa Judia o sasai kedia kama fosige ya, bitou kokou fologamabeedei.

¹⁵ Bi kasagai ke dugulo kelegebe, o tae e moso meleyatou duwobabe, muloba, e mosodu bi ta moŋu foloda.

¹⁶ O taha e hebe haimikou dalababe, haba bohoulou ma ile, mosokou e yukuei sasado ke moŋuda.

¹⁷ Sawisiei kelegebe, solou do hiyedo, sasai dihi guokou bou kediabou, sasai dihigidiou bou kediamme hagi hiyedo degeiba dugulo ile.

¹⁸ Kulio a kelege kasagai degele ke tama degeiye deba, ni diho baga tobou ma.

¹⁹ Yobe, kelegebe hagi hiyedo dugulo kaha degemou. Godiha sa sibige koŋu milou mamou haguabe demou, ifine kuhe, hagi kegei ta dugudiyo mei. Habagene kegei ke ta dugulo mei.

²⁰ Hiye Ohu sawisiei ke sasa dege dogogubabe, o sasai olou fei mei degele. Kenou si o sasai yoŋumakou makai kediamokou solou do degeba, sawisiei ke kuhe tou dege dogogulo.

²¹ Yesuha haba tobou, kegeiba o taha nimokou kou gue tobolou, duguma, Godiha makai o Kelesube kuheyodeibabe hobou dudama. Haba o taha, ni duguma, Kelesube kele dalayode tobou babe, nige ta keme hobou damaleyodedama.

* **13:14 13:14** Daniel 9:27, 11:31, 12:11

22 Yobe, o ilo kelege haguasie, midihō gehe gehe milōu gaba, ogōu gaba, ame Godihā makai o Kelesuyode tobolōu ile. Haba o ilo kelegene ogōu gai egei tobolōu ile. O kedia neledo degeiba, Godihā yoꞑumakōu makai o sasai kediaḡe haba diamokōu damaleyodemabeedemaba degele ile.

23 Kegei kaha degemōu, niōu tawaibōu. A nimokōu habage tama degele keme olōu fei kōu tobōu ma mei degeiyode tobou.

*Habage O Kedia Dihi haguale
(Matyu 24:29-31; Luk 21:25-28)*

24 Yesuhā haba kōu gue tobou, hagi hiyedo ke mei degele kelegebe,

Asō gosōꞑugōu ba huliā degele. Oguone gosōꞑugōu ba hohō degele mei.

25 Kuidihōne agudiletōu ge fiyasigile. Damaledo, bimai olōu fei agudiletōu dalagua keme awale hobogolōu.

Aisaia 13:10, 34:4

26 Kegeiba, o sasai kedia dugulobe, O Kedia Dihi eme nele hiyedo kebōu, hohobōu de mabiye tōu gōu ma migiba dugulo ile.

27 Ege e esol o kedia tobōu ba, o sasai yoꞑu e biyode makai ke asōu kolobōu agudio tiligai isimokōu ge moꞑumōu iligi isimokōu dele.

*Ni hebe kiyou ke tawama
(Matyu 24:32-35; Luk 21:29-33)*

28 Yesuhā haba kōu gue tobou, ni hebe kiyou ke tawama. E goya kōu ye foloumōu, guo gehe

bisoumōu be, nige sa bolodo biyamōu iladidade tawale idi.

²⁹ Nebe kenōu tefei, ni hagi a nīmokōu kōu tobou sagai ke dugubabe, nige O Kedia Dihi eme haguadidade tawama. E hagualebe hafeido degei kehe.

³⁰ A nīmokōu damaledo tobolōu kuhe. Ifi kōu bōu ge dalagua o sasai be tofigili mei dalaguaba, a koŋu tobolōu ke olōu feido tama degele.

³¹ Agudiobōu sa sibigebōu olōu feibe mei degele. Kenōu si ma tabe ta mei degele mei.

Hiye Ohq haguale sawisieie keme o sasai di ta tewe mei

(Matyu 24:36-44)

³² Yesuha haba kōu gue tobou, kegegai ke tama degele sawisieibōu aso dihoobōu keme o taha ta tewe meido. Hebeni esol o kediane ta tewe mei. Godiha Dihi ene ta tewe mei. E Aye yoŋunōu si tewe.

³³ Yesuha haba tobou, niōu tawaibōu. Ni defeido dia dalama, ni sawisieie ke ta tewe mei kaha degemōu.

³⁴ A tobolōu keme koŋu sa degei, o taha e moso tōu fogōu, sa ta ilamōu. E dabai degele idi o kediamokōu tobou, ni ma moso dia dalamabeede tobou ma, o tanōu tanōu dabai nemōu i. E o adi dia daladi kokōu tobou, na defeido dia dalayede tobou ma fogōu i.

³⁵ Kegei degemōu, ni defeido dia dalama. Moso obōu kaha hagua felebe ni ta tewe mei. Habi fele

deba, huliame fele deba, sio ayomou touba fele deba, gusugu fele deba, keme ni ta tewe mei.

³⁶ Hiye o kaha totodo hagua feleba, ni tiasigei duguye.

³⁷ A nimokou tobolou keme, a o sasai olou fei kediamokou ne tobolou. Ni defeido dia dalamabeede tobou.

14

Hiye o kedia Yesu wouba toloyodema doususulo i

(Matyu 26:1-5; Luk 22:1-2; Jon 11:45-53)

¹ Gabama I Sawisie^{*} hiye kaha nale kefeguo nadi keme ou daba kege domou. Sawisie hiye ta, ou mola mei sidi sawisie kene hafei degei. Kelegebe, mogou du dalaguadi hiye obou, Mosesha kuolou yo dulo i obou kedia kefema tugulo tobolou i, di Yesube amafei kage tolou ma, ta sama wouba tolo ile?

² Kenou si di Gabama I Sawisie kou lege hobou degedame, o sasai kedia duguoba, gofo^u dege biya iye domou.

Sasai tah hui hobou ke Yesuha widiletou sou gu

(Matyu 26:6-13; Jon 12:1-8)

* **14:1 14:1** *Gabama I Sawisie*, 'Pasoba' ta kaha sibigebe kou gue: Afu Godiha sa Isip sisigo wolo ke woumou tofigiei, kelegebe Israel sisigo kedianou si ta weli mei, mou gabama i. Kegei kaha e tobou, ni *Gabama I Sawisie* ke hohobolou ba, nale kefema na demabeede tobou. Kege tobou mou, Israel o kedia sa Isip tou fogou, die sabekou fogou yai (Kisim Bek 12:1-42).

³ Yesu e sa Betanikou ile, o Saimonha mosokou folo duwei. O keme dobo do kou tou ye bolō degei. Nale nala duwoguamou, sasai taha botole igiye milou kodu hobou huei dou ke tolou fele simamou, huei hobou bolodo ke Yesuha widiletou sou gu. Huei hobou keme bolofeido, di tawaga tobolou sagai mei, afu sele hiyedoye mamou.

⁴ Kenou si o ilo kedia duwoguali, ke duguo dafamou, dio unou tugulo tobolou i, kageimou huei hobou bolodo kou mou sou guo mei degeiya?

⁵ Di makisi degemaba, sele 300 gabama folo sagai malaba, bi mei o kediakokou neli debabe boloyode tobou mamou, sasai kokou gofou dege tobolou i.

⁶ Kenou si Yesuha tobou, gofou degedama. Kageimou ni sasai kuokou hagi nele iya? Ege amokou be midihō bolofeido ke hegili.

⁷ O bi mei o kediame nibou de hiyedo dalaguale. Ni o kediame dogou gulo tagaibabe ni dogou gulonou. Anou si nibou de hiyedo dalale mei, ame toto fogou ile.

⁸ Sasai kōumaha a dogou gulo sagaiibe, yofu ifi dogou gulu kuhe, tabou mei. A toubā widalaba degele sagai keme, a teli mei kou bou gedo e huei hobou ke ma tou guebou sou gulu kuhe.

⁹ A nimokou damaledo tobolou kuhe. Sa sa olou fei, oe ma ta uwo bolofei ke tobou mou suluguali, sasai kōumaha degeli kene tobolou

ile. Kegeiba, o sasaiye ɛme ta totou degele ile meiyode tobou.

Judasha Yesube Juda hiye o kediamokou seseguloyodema makai

(Matyu 26:14-16; Luk 22:3-6)

¹⁰ O Judas Iskariot ɛme Yesuha dabai degedi o olou fei 12 kege kaha duo kile daladi o, ege mogou du dalaguadi hiye o kediamokou ile, Yesube ɛ tolou ma o kediamokou seseguloyode tobou.

¹¹ Hiye o kedia ta ke dulomou, hoho degemou, emokou sele damaledo neleyode tobolou i. E Yesube kageligi tolou ba hiye o kediamokou sesegulo domou fi hiyedo ma delei.

Yesubou ɛ dabai degedi obou dia nale nala i

(Matyu 26:17-25; Luk 22:7-14, 21-23; Jon 13:21-30)

¹² Ou mola mei sisi sawisie i sasafei kelege, o kedia Gabama I Sawisie i kaha dowo ke wai sipsip wili woma sisi. Kegeimou, Yesuha dabai degedi o kedia emokou yodulo i, na eibe ile, Gabama I Sawisie i kaha dowo ke nalebe kilija kele kefema nale tagaiya?

¹³ Kegeimou, Yesuha ɛ dabai degedi o bolou kedilie tobou mou, yala degeimou, diliemokou tobou, nele sa Jerusalemkou ya fologaba dugu, o ta bilika huei dou tolou iba kenou sesele ima.

¹⁴ Moso o kaha foulou kokou nelene fologaba, moso obou kokou kou gue yoduma, ele Tisahage

kiliya kele e dabai degedi obou ei Gabama I Sawisieie kaha dowo ke nale kefema nala ile? de yodumabeedei.

15 Nele kege yodubabe, o kaha fou gou moso hiyedo kotou dala ke hegiba, fafaibou duwodibou olou fei kotou dalaba dugulo. Nele kotou nou di nale kefema dogogumabeede tobou.

16 Kege tobou mou, dilie ya, sa Jerusalemkou fologamou dugube, bi olou fei Yesuha tobou sagai keme dalaguamou dugu. Duguomou, dilie Gabama I Sawisieie kaha dowo ke nale olou fei kefema dogogulo i.

17 Sa nugumou, Yesuha e dabai degedi o olou fei 12 kege ke sosogou felei.

18 Nale nala duwoguali, e diamokou kou gue tobou, a nimokou damaledo tobolou kuhe. Ni o tahage ame ho o kediamokou sesegulo. O keme kou le abou de nale noluyode tobou.

19 O kedia ta ke dulomou, fi hagi degele i. O tanou tanou kou gue yodugamou i, nage a tobolou dei?

20 Yesuha diamokou tobou, o a tobolou keme ni o olou fei 12 kege kaha duo kile daladi o. O keme abou de ou si nale si huei melekidu masa nolu.

21 Damaledo, O Kedia Dihi eme tolo ile, Godiha kuguokou kou nalai dala sagai kenou tefe. Kenou si O Kedia Dihi ho okou sesegulo o name noou tawaibou. Ne adiou hage na mala fei mei fogou homou de tobou.

*Yesuha ōu sibou, tigi kolo huei gofoŋudo kebou
de e dabai degele idi o kediamokou nei
(Matyu 26:26-30; Luk 22:15-20; 1 Korin 11:23-
25)*

²² Yesubou dia nale nala duwoguali, Yesuha
ou si ta mala tolou mou, Godikou bolofeyode
tobou mamou, ou si ke bafigima, e dabai degele
idi o kediamokou nemamou, ni moŋumabeedei.
Koŋume ma tou yode tobou.

²³ E haba huei kopekou sou guo maj ke mala
tolou mou, Godikou bolofeyode tobou mamou,
diamokou neimou, dia olou fei nala i.

²⁴ Nala imamou, Yesuha kou gue tobou,
koŋume ma kafei. Ma kafei koŋumahage
Godibou de mogo degedi midihoe ebele ke hegili,
o sasai sudo dogou gulamou.

²⁵ A nimokou damaledo tobolou kuhe. Sa
kuokou be a tigi kolo huei gofoŋudobe haba ta
nale mei ibe deba, Godiha wolou daladi sa kokou
genou, a haba tigi kolo huei gofoŋudobe kuhe
naleyode tobou.

²⁶ Kegemou, dia die tanou ta fema fogou mou,
bitou Olivkou fogou yai.

*Yesuha kou gue tobou, Pitaha ame tobekou
muguloyode tobou
(Matyu 26:31-35; Luk 22:31-34; Jon 13:36-38)*

²⁷ Yesuha e dabai degedi o kediamokou kou gue
tobou, ni olou fei a tobekou mugulo ile. Yobe,
Godiha kuguokou kou gue nalai dala kaha,

A wai sipsip dia daladi o ke wouba tolo iba, e sipsip kefeguo dalagua ke olou fei kusia fosigile. *Sekaraia 13:7*

28 Kenou si a hagua gehe degeibabe, a sa Galilikou be, ni you ile dalaba, abukou ileyode tobou.

29 Pitaha emokou tobou, o ilo kedia na tobekou mugulo ibabe, age name ta tou fogolou meiyode tobou.

30 Yesuha tobou, a namokou damaledo tobolou kuhe. Ifi huliame, sio ayomou ye bolou kege you tale dalaba, nage kamadia kege a Yesu tewe meiyode tobolou.

31 Kenou si Pitaha ta neledo dege kou gue tobou, ame nabou de tolo ileye, kenou si a na tewe meiyode ta tobolou mei. Yesuha dabai degedi o olou fei kediane kegenou tobolou i.

Yesuha hebe hai sa Getsemanikou ge Godikou diho baga tobou

(Matyu 26:36-46; Luk 22:39-46)

32 Yesubou dia sa e hu Getsemanikou ya fologamou, diamokou nime kuokou duwoma. A tafei ile, Godikou diho baga tobou lamou yode tobou.

33 E wou ma ibe, Pitabou Jemsbou Jonbou de wou ma i. Dalali, e fi hagi hiyedo degemou,

34 diamokou tobou, ame hagi hiyedo degeli kaha tolo sagaiyodei. Ni kuokou baha dalamabeede tobou.

35 E tafei ile, mihikou yubu sugulo fiyamou duwoli, kou gue diho baga tobou, na boloyodeibabe, a hagi hiyedo kofume ta dugulo sagai meiyodei.

36 E haba diho baga tobou, Aye,* ma Aye, nanou si olou fei sasalenou degele sagai. A hagi ke dugulo dafa. Kenou si a tagai sagai ke degeda. Nokou tagai sagai kenou degeyede tobou.

37 Kegemou, Yesu e diho baga tobou ma, boholou ma haguamou dugube, o kamadia kediamе yogou gua tiasigei dugu. E Pita tile haguagiemou yodu, Saimon, name yogou gua tila? Na baha dalali, aso diho tanou ta mei degele sagai mei?

38 Ni kou le a diaba, Godikou diho baga tobolou dalama. Tefele dugu ta haguba, ni fiyasigeiye. Damaledo, fiyege kou neledo dalaye, kenou si tou be nele meiyode tobou.

39 Haba e tafei ile, diho baga tobou sagai kegenou haba tage tobou.

40 Haba boholou ma haguamou dugube, e dabai o kediamе tiasigei dugu, yogou gua hiyedo degeimou. Tilimou haguamou, dia emokou tobolou ke ta tawale ili mei.

41 Kegemou, Yesuha haba tage ile, diho baga tobou ma, boholou ma hagua, e dabai o kediamokou kou gue tobou, nime younou misiholo tilagua? Kege fogou ma. Duma, o ilo kelege O

* 14:36 14:36 Yesuha taеge Aba dilibe, ma 'aye' dili.

Kediā Dihi tolōu ba, midihō kasagai milōu ga idi o kediamokōu sesegulobe ise kuheyode tobou.

⁴² Nī haguama, di yame. Duguma, o a tolōu ba, ho o kediamokōu sesegulo o keme hagulu kuhe.

Judasha Yesu tolōu mōu ho o kediamokōu sesegu

(Matyu 26:47-56; Luk 22:47-53; Jon 18:3-12)

⁴³ Yesuha kege tobolōu tafalali, Judas felejimōu dugu. Judas eme Yesuha dabai o olōu fei 12 kege kaha duo kile daladi ta. O sudo ebōu de aweki me bolou kebōu, dōu wōu bōu de tōu ma haguasie felegai. O kediamogōu du dalaguadi hiye obōu, Mosesha kuolōu yo dulo i obōu, odo odobōu kediā tobōu mōu kuhe haguasie felegomōu dugu.

⁴⁴ Judasha hiye o kediamokōu kōu tobou, a o ta nogōu goubabe, o keme Yesu. Nī o ke tolōu ma defeido mala imabeedei.

⁴⁵ Kegemōu, Judasha Yesukōu toto folo, Tisa Hiye de tobōu mamōu, tolōu ma nogou.

⁴⁶ Kege tobōu mōu, o kediā Yesu hilige tolōu mamōu, ta salamōu degele i.

⁴⁷ Kegemōu, o ta, o sasai timidu tafala kaha e aweki me bolou yukuei foudu sai ke telemōu, mogōu du daladi hiye oha dabai degedi o ke faj, kehe taga mugu mihikōu fiyei.

⁴⁸ Yesuha o kediamokōu tobou, kadegeimōu nī awakibōu biyabōu de tōu ma haguasie, a hiligedo

tolou iya? Ame hiyou mojudi o mei, biyadi o mei.

⁴⁹ Sawisiei olou fei a Godiha moso kekaimidu nibou de dalali, o sasai kediamokou egei hehegiediye, ha ni a ta tolou ili mei. Kenou si Godiha ta, kuguokou nalai dala keme damaledo tama degeli kuheyode tobou.

⁵⁰ Kegeimou, e dabai degedi o olou fei kedia Yesu tou fogou kama fosigei.

O gisiai ta kama fou

⁵¹ O gisiai ta kaha Yesu sesega ile tefeleibe, e tou guebou yukuei fo degei muguomou tefelei. Tafalamou, o kedia o keme tou lamou degele i,

⁵² kenou si e yukuei fo degei ke dile filā fogou, bese kama fou.

O kedia kansole dihile kokou Yesu ta sa i

(Matyu 26:57-68; Luk 22:54-55, 63-71; Jon 18:13-14, 19-24)

⁵³ O kedia Yesu tolou mamou, mogou du daladi hiye oha moso duwokou wolou ya fologai. Fologoumou, mogou du dalaguadi hiye obou, haba odo odobou, Mosesha kuolou yo dulo i obou olou fei kedia kele kefegulo i.

⁵⁴ Yesu tolou youmou, Pita ene ahu dege sesele ile, mogou du daladi hiye oha moso kekaimidu felei. Folomou, kasamane o kedia dou ha duwouamou, ene kele dou ha duwei.

⁵⁵ Mogou du dalaguadi hiye obou, kansole obou olou fei kedia o taha ogou gai ta Yesuha

degeli mei kagei ke tobou ma, kahaŋi ɛme wouba tolo sagaŋi domou ke tugulo tobolou i. Kenou si dia midihog kasagaŋi Yesuha milou ta dugulo ili meido.

⁵⁶ O sũdo kedia ɛ degeli mei ogou ga tobolou i keme dia fimai tanou dege tobolou ili mei, olou feibe gulokou tanou.

⁵⁷ O ilo kediane tafalaguali, ogou ga kou gue tobolou i,

⁵⁸ ei dube, o koumahage Godiha mosog, o kedia tegei keme igimaba, sawisieŋi kamadia kege mei degeiba, ɛ haba mosog ebele ta togoma mei degei ke duwoloyodei. Kenou si ɛ dobogouye togolo meiyode tobou mou dulo iyode tobolou i.

⁵⁹ Kenou si ta ke tobolou ine, dia olou fei fimai tanou dege tobolou ili mei, ogou ganou tobolou i.

⁶⁰ Kegemou, mogou du daladi hiye oha kansole o kedia dihile kokou hagua tafalali, Yesukou yodu, na die ta sima tobolou be dafa? Ta o kou dia tobolou ilibe, de damale, ha gulokou?

⁶¹ Kenou si Yesuha ta ta sima tobou li meido.

Kegeimou, mogou du daladi hiye oha haba yodu, Hiye Oha makai o Kelesube na? Di ɛ hu hebele fogulo idi kaha ɛ Dihibe na?

⁶² Kegeimou, Yesuha tobou, keme anou. Ni O Kedia Dihi ɛme O Neledo kaha dobogou delekou duwo dema, haba agudiletou ge mabiye mala migiba dugulo ileyode tobou.

⁶³ Mogou du daladi hiye oha ta ke dulo

kesigiemōu, gofoŋu hiyedo degemōu, yoŋu e yukuei ke tolōu dulagimamōu, taḅe kehefeḅi de tobou.

⁶⁴ Nḅige o koŋume Hiye Ohā timōu ke mōu lamōu tobolōu koŋu de dulo ili? Nḅi kage tawale iya? de yodu. O olōu feḅi kedīa kōu gue tobolōu i, o keme midihō kasagai dala kaha wouba tolo ile.

⁶⁵ Kegemōu, o ilo kedīa Yesukōu koso hesema, e dihō yukuei kaiye diōu guo tigamamōu, dobogoŋuye wala i. Wala iligi, o koyohā na fōuya? de yoduga i. Kasamane kedīane tolōu ma, dobogoŋuye wala i.

Pitahā Yesube e tewe meiyode tobou

(Matyu 26:69-75; Luk 22:56-62; Jon 18:15-18, 25-27)

⁶⁶ Pita e me mogōu du daladi hiye ohā moso kekaimidu dalamōu, hiye o kaha dabai degedi sasai taḅa migilemōu,

⁶⁷ Pita dou ha duwomōu duguomōu, emokōu maselemōu tobou, nane sa Nasaret o Yesubōu de deleiyode tobou.

⁶⁸ Kenōu si Pitahā tobou, kegele mei, na ta koŋu tobolōu be, a tawaiyo meiyode tobou ma fogou ile, kekai adi feḅou tafalamōu, [sio ayomōu tai.]

⁶⁹ Dabai degedi sasai kaha e kokōu tafalamōu duguomōu, o hafeḅi tafalagua kediamokōu haba tobou, o koŋume die o tayode tobou.

⁷⁰ Kenōu si e haba tobou, kege meiyode tobou.

Haba o hafei dege tafalagua kedia Pitakou tobou, damaledo, nane die o ta, name sa Galili tie oyode tobolou i.

⁷¹ Kegeimou, e ta neledo dege kou gue tobou, damaledo, o ni tobolou ili keme a tewe meido. A ogou ga tobou babe, Godiha a makoloyode tobou.

⁷² E kege tobou ma mei degeimou, kelegenou sio ayomou haba tage tai. Sio ayomou toumou, e Yesuha kou gue kou tobou, sio ayomou ye bolou kege you tale dalaba, nage kamadia kege a Yesu tewe meiyode tobolou yode tobou ke tawalemou hiligedo gesei.

15

*O kedia Yesu o Pailatkou wolou yai
(Matyu 27:1-2, 11-14; Luk 23:1-5; Jon 18:28-38)*

¹ Sabiyomou, mogou du dalaguadi hiye obou, odo odobou, Mosesha kuolou yo dulo i obou, kansole obou olou fei kedia doususulo imamou, Yesu dobogou tabe tigama, gamani hiye o Pailatkou wolou yai.

² Pailatha Yesukou yodu, Juda o kedia hiye obe na? Yesuha tobou, na tobolou be damaledo.

³ Mogou du dalaguadi hiye o kedia Yesu e degediyo mei gulokou ta hiyedo tobolou i.

⁴ Pailatha e haba yodu, kagemou na sima tobou yo mei? O koudia na degegai ke tobolou ili keme de damaledo?

⁵ Kenōu si Yesuhā tā ta sima tobōu ho fogōu mōu, Pailathā ke duguo kesigiemōu, fi hiyedo maj.

Pailathā Yesu hebe fufuguomaikōu ikoke degemabeedei

(Matyu 27:15-26; Luk 23:13-25; Jon 18:38-19:16)

⁶ Sadebe olōu fei, Gabama I Sawisiei tōu mōu be, gamani o kedia didiō o tanōu telema idi. O sasai kedio unōu o ta maka degeimōu be, gamani o kedia o kenōu telema idi.

⁷ Kelegebe, o ta, e hube Barabas, eme yogo diabōu de didiō degei delei. Afu dia gamani kediamokōu biyolugi, o ilo kele woumōu tofigiei.

⁸ Kegemōu, o sasai kedia ya, Pailatkōu, na afu degedi sagai kege, didiō o ta telemayede tobolōu i.

⁹ Pailathā yodu, ni tagalibe, age Juda o ni hiye o ko ume telemōuba nimokōu ile?

¹⁰ E ke yodu kaha sibigebe kōu gue, mogōu du dalaguadi hiye o kedia Yesukōu kona degemōu kuhe tolōu haguasieidade tawai.

¹¹ Kenōu si mogōu du dalaguadi hiye o kedia degeiye, o sasai kedia Yesukōu gofo ume degemōu, Pailatkōu be Barabasnōu telemayede tobolōu i.

¹² Kege tobōu mōu, Pailathā haba yodu, a o ni Juda o kedia hiye oyodele ili keme kagele?

¹³ O sasai kedia tā hiligedo, hebe fufuguomaikōu ikoke degeyede tobolōu i.

14 Pailatha diamokou yodu, kageimou? E midihō kasagai kagei ke milou lou? Kenou si o sasai kedia haba dolo hiligedo tobolou i, hebe fufuguomai kou iko ke degedele i.

15 Kegemou, Pailatha o sasai kedia hoho degemabodomou didio o Barabas telemaj. Haba Yesu eme ami o kediamokou sesegumou, tigi dofou ye wala i. Wala imou, Pailatha hebe fufuguomai kou iko ke degemabeede tobou.

*Ami o kedia Yesu susuga tobolou i
(Matyu 27:27-31; Jon 19:2-3)*

16 Ami o kedia Yesu wolou ya, gamani o kaha moso kekaimidu fologamou, yogo dia haguismou, ami o olou feido migigai.

17 Migigamou, yukuei wei degei sasado ke Yesukou kagiemou, tigi ayebou ta malamou, hiye o kedia heti sagai kege milou gamamou, e widiletou mugulo i.

18 Kege muguomou, susuga tobolou i, Juda o kedia hiye o na gusugu bolofeyodele i.

19 Biya ta malamou, e widiletou hiligedo woulugi, emokou koso hesema, yubu sugulo fiya duwoguali, ogou gamou e hu hebele fogulo i.

20 Susuga tobolou yilo imamou, yukuei wei degei kagi ke telemou, haba yofu e yukuei ke kagiemou, tamakou wolou yai, hebe fufuguomai kou iko ke degele ilamou.

*Diã Yesu hebe fufuguomaikoū ikoke degele i
(Matyu 27:32-44; Luk 23:26-43; Jon 19:17-27)*

²¹ Ami o kediā Yesu woloū yolugi, sa Sailini o ta hagumoū dugulo i. Ē hube Saimon. Ēme o Aleksanderboū, o Rufusboū dilie aye. Ami o kediā ē hagumoū geleguomoū, Yesuhā hebe fufuguomaī kē hebele iyedema fisile imoū, ē hebelemoū i.

²² Kegemoū, Yesu woloū moū yolugi, bitoū huyadefēi ta, ē hube Golgotakoū fologai. Hu kahā ē sibigēbe O Widio Dio Sa.

²³ Fologamoū, o kediā Yesukoū tigi kolo huēi gofōudoboū mola* taboū de neimoū, kenoū si ē ta nalī mei.

²⁴ Haba ami o kediā ē hebe fufuguomaikoū ikoke degele i. Ikoke degemamoū, Yesuhā yukuei malā ilamoū igi sagaī degei kē hebese yalē i. Yajye bolõ degeimoū be, yukuei neimoū dele i.

²⁵ Gusugu 9 klok kelege o kediā Yesu hebe fufuguomaikoū ikoke degele i.

²⁶ Hebe fufuguomaī kotoū be koū gue nalaī delei,

JUDA O KEDIĀ HIYE O.

Kahā yoyenoū ē kuhe woumoū tei.

²⁷⁻²⁸ Kelegenoū, hiyou mōudi o boloūne Yesuhā figiya kē hebe fufuguomaikoū ikoke degele i. Tabe dobogōū delekoū, tabe dobogōū fofokū.

* 15:23 15:23 Do mei degele mola sā degei.

29 Kegemōu, o sasai sudo ima haguama dele iligi, Yesukōu susuga tobolōu i. Widio bogolōu iligi kōu gue tobolōu i, ehe, na Godiha moso igile filaba, sawisiei kamadia kege mei degeiba, ebele ta togoma mei degeleyode tobōu mōu ei dulo i.

30 Ifi na noꝑusie dogōu guoba, hebe fufuguomai koꝑu tōu fogōu migiyede tobolōu i.

31 Mogōu du dalaguadi hiye obōu, Mosesha kuolōu yo dulo i obōu kediane dioꝑunōu kefema, Yesukōu susuga tobolōu yilo i, ege o ilo kebele kōu dogōu gudiye, kenōu si yoꝑusiebe ta dogōu guyo mei.

32 O koꝑume Israel o kedia hiye o Kelesu debabe, e hebe fufuguomai tōu fogōu migiba duguoba di kuhe damaleyodele ime. O bolou hebe fufuguomai kōu tafalagua kediliene Yesu susuga tobolōu i.

Yesu tolo i

(Matyu 27:45-56; Luk 23:44-49; Jon 19:28-30)

33 Kegemōu, agali duo kelege sa olōu fei hulija degemou dalali, habi 3 klok degei.

34 Habi 3 klok degeimou, Yesuha yoꝑu e tae hiligedo kōu gue hagnosisai,
Eloi, Eloi, lama sabaktani?
Ta kaha sibigebe kōu gue,

Ma Godi, ma Godi, kageimou na a tōu fogōu ya?

Buk Song 22:1

³⁵ O ilo kele hafei dege tafalagua kedia ta ke dulomou tobolou i, ni дума, o kofume Elaija hagnosisoluyode tobolou i.

³⁶ O taha foukua ile, bi suo degei ta mala, hebe kolo huei dou afido kokou muguomou, hebeya ta kokou tigama mala hagua hebele fogu, Yesuha nayadomou. O kaha tobou, you, di Elaijaha de haguaba mala migiba dugulo deba dia dalame.

³⁷ Kegemou, Yesu e hiligedo guama tolo i.

³⁸ Kegemou, yukuei hiyedo, Godiha mosokou duladi ke sugutou ge duoyado ke bafolou mugu.

³⁹ Ami o kedia dia daladi o, Yesu hafei dege tafala kaha Yesu e guama tolo imou duguomou tobou, damaledo, o kofume Godiha Dihiyodei.

⁴⁰ Sasai ilo kediane ahu sagai dege masele tefeleguei. Sasai ta e hube Maria, sa Makdala sasai. Maria tabe o gisiai Jemsbou o Josepbou dilie adiou. Sasai tabe Salome.

⁴¹ Yesuha sa Galilikou siei kelegebe, sasai kediane e dogou guo suluguadi. Haba sasai ilo kelegene sa Jerusalemkou e sesele kou haguasiei. Sasai kegele i sudo kedia kele masele tefeleguei.

*Yesu tei mala ile, ulou daimidu dogogu
(Matyu 27:57-61; Luk 23:50-55; Jon 19:38-42)*

⁴² Nale kefele idi sawisiei kelege, Yesu e tolo i. Misiholo duwodi sawisiei keme idiba kege kaha degeimou, habido degeimou,

⁴³ sa Arimatea o ta, e hube Josep, e o Pailatkou i. Eme kansole hiye o, o bolofeido. Ene Godiha hagua o sasai wolou dalale ke dia daladi. E

ta guę degeli mei ile, Pailatkōu folo yodu, na boloyodeba, a Yesu tei moloŋu?

⁴⁴ Josephā kege yodumōu, Pailathā kesigiemōu, ami o kediā dia daladi o ke hagnosisomōu, hagumōu, Yesube kōu tei? de yodu.

⁴⁵ Kōu tolo iyode tobōu mōu, Pailathā Josepkōu na ile, o tei ke moŋuyede tobou.

⁴⁶ Kegeimōu, Josephā ile, yukuei fō degei sasado ta seleye mamalamōu ile, Yesu tei malā hebele migile, yukuei fō degei kahā tigama malā ilemōu, ulou kōu dai ta kodu dogogu. Dogoguo fogōu mōu, igi hiye ta malā wofegelema hagua, ulou dai a tefegu.

⁴⁷ Sa Makdala sasai Mariabōu, Maria ta Josephā e adiuō bōu dilie masele tafalaguali, ulou daikōu dogogumōu dugulo i.

16

*Yesu e haba hagua gehe degei
(Matyu 28:1-8; Luk 24:1-12; Jon 20:1-10)*

¹ Misiholo duwodi sawisieie ke mei degeimōu, sa Makdala sasai Mariabōu, Jemshā e adiuō Maria tabōu, sasai Salomebōu dia Yesu tei kaha tōu guebōu huloyodema, bi hō bolofejibōu gusege huejibōu de seleye mamalā i.

² Misiholo duwodi sawisieie ke mei degemōu sabiyomōu, aso fogumōu, sasai kediā widaikōu yai.

³ Yolugi, dio unou tugulo tobolou i, o koyoha di dogou guoba ulou dai a tefegu igi ke kogolo ile?

⁴ Kenou si widai hafei degeimou dugube, igi hiyedo keme kou kogolo ile figikou dogogu dalamou dugulo i.

⁵ Dia ulou dai kodu muguamou dugube, o gisiai ta yukuei fo degei sasado ke kai dobogou delekou duwomou duguo kesigile i.

⁶ Kegemou, o kaha sasai kediamokou tobou, ni hobou kesigidama. A tawalibe, nime sa Nasaret o Yesu, hebe fufuguomai kou iko ke degele i ke ka haguasili kuhe. Eme gehe dege haguama i. Kou le dala mei. E tilei kokou duguma.

⁷ Kenou si, ni ya, e dabai degele idi obou, o Pitabou diamokou, Yesube sa Galilikou ebukou ileyode tobou ma. Dia habage ya fologaba, eme kele dalaba dugulo ile, yoku kou tobou sagai kenou tefeleyode tobou mabeede tobou.

⁸ Kege tobou mou, sasai kedia kesigiemou, ulou dai tou fogou felegamou kama fosigei. Diame guebou dio keibou degemou, omokou ta tobolou ili mei.

*[Sa Makdala sasai Mariaha Yesu dugu
(Matyu 28:9-10; Jon 20:11-18)]*

⁹ Misiholo duwodi sawisie i ke mei degeimou sabiyei, Yesuha hagu gehe dege ilemou, sa Makdala sasai Mariakou bukou tama degei. Sasai

kokoū be, Yesuhā duo kasagaī oloū feī dioyosi kege koū igisei.

¹⁰ Yesuhā sasaī kokoū tamā degeimoū, sasaī kahagē ile, Yesuboū suluguadi o kediamokoū Yesuhā tamā degei kē tobou. O kedianē Yesuhā sihoū koū gosolo imoū, ē kuhē tobou.

¹¹ O kediā ē Yesu gehē degei duguyode toboū moū dulo iye, ha ta damaleyodele ili mei.

Yesuhā dabai degedi o boloū kedilie eme alikoū dugulo i

(Luk 24:13-35)

¹² Kegemoū, Yesuhā dabai degedi o boloū kedilie sa hiye kē toū fogoū youmoū, Yesuhā ē toū bohouloū mamoū, alikoū tamā degeimoū dugulo i.

¹³ Kegeimoū dilie bohouloū mā haguasie, dabai degedi o ilo kediamokoū tawayadomoū toboloū iye, kenoū si dianē dilie tabē ta damaleyodele ili mei.

Yesuhā ē dabai degedi o kediamokoū dabai diā degele kē tobou

(Matyu 28:16-20; Luk 24:36-49; Jon 20:19-23)

¹⁴ Kegemoū, Yesuhā ē dabai degedi o oloū feī 11 kege kediā nalē nalā duwoguamoū, ē diamokoū ne tamā degei. Tamā degemoū tafalali, diamokoū gofōū degei. Yobe, o sasaī ilo kediā emē haguā gehē dege dalayode toboloū ili kemē diā ta damaleyodele ili mei, diē fībe hiligido dalagua kahā degemoū.

15 E haba diāmokōu kōu gue tobou, nī ya, sa sa olōu fei suluguali, tā uwo bolofei koūu o sasai olōu fei kediāmokōu tobōu mōu suluguamabeede tobou.

16 O koyoha amokōu damaleyodema, fafeleya tofōu babe, o keme Godiha mamoloūu. Kenōu si o koyoha damaleyode ho fogōu babe, o keme tā samaba hebe kasagai ke moloūu.

17 O sasai dihile kokōu damaleyodei o sasai kediage midihō gehe gehe milōu ga ile. Diā mā huya ke o sasai, duo kasagaiye tolōu ine duo kasagai igisele ile. Tabe, tā gehe gehe taene tobolōu ile.

18 Bei dobogoūu ye tolōu ibane, ta galale mei. Todi huei noūbane, ta tofigile mei. Diā do o kediāmokōu dobogoūu dogogubane, do bolo degele ileyode tobou.

*Godiha Yesu mala, hebenitōu fogōu i
(Luk 24:50-53; Dabai 1:9-11)*

19 Hiye O Yesuha o kediāmokōu tā tobōu ma mei degeimōu, Godiha e mala, hebenitōu fogōu ilemōu, Godiha dobogoūu delekōu bie.

20 Kegemōu, e dabai degedi o kediā ya, sa sa olōu fei egei tobolōu suluguei. Suluguamōu, Hiye Oha dogōu gumōu, o sasai dihile kokōu diā midihō gehe gehe milōu ga i. Midihō gehe gehe milōu gōmōu, o sasai kediā duguomōu, tā

koŋume damaleḡdodade tawale i.]*

* **16:20 16:9-20** Tewe o sḡdo kediḡ tawale ilibe, tḡ maka koŋ guei kaḡ [...] mogou du dala tḡ koŋume Makhḡ nalali mei, keḡou si o taḡ habage nalaidade tawale ili.

cv

Konai
Konai: Godihā Tā Bolofej New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94